

後集 四十五之五十止

鶯

燕

百舌

鷓鴣

鳩

啄木

雀

黃雀

雞

閉雞

山雞

鴈

鴛鴦

鷓鴣

鷓鴣

鶯

鴨

精衛

伯勞

鷓鴣

衆禽

諸蟲

文類聚

1加3  
167  
12

新宮城書藏



143  
167  
12

新編古今事文類聚後集卷之四十五

賜董文庫

建安

祝穆

和父

編

金陵

唐富春

子和

梓

羽蟲部

鶯

群書要語黃鸝倉庚也鳴即鶯生說文黃鳥鸝也或謂黃栗

留幽謂之黃鶯一名倉庚一名商庚一名鶯黃一名楚雀齊

人謂之搏黍當榘熟時來在桑樹皆應節趣時之鳥或謂之黃

袍詩疏仲春之月倉庚鳴月令春日載陽有鳴倉庚七月倉庚

于飛熠燿其羽東山睨睨黃鳥載好其音凱風黃鳥于飛集于

事文類聚後集卷之四十五

利 257 12

東京大學

東京大學

賜董文庫

灌木葛覃綿蠻黃鳥止于丘阿綿蠻

**詩句**共矜初聽早誰貴後聞頻韓楊園流好音選鶯入新年語

杜鶯語太丁寧杜花妥鶯捎蝶杜自在嬌鶯恰恰啼杜怕雨並

棲紅杏裏並杜鶯擲金梭織柳絲唐詩陰陰夏木轉黃鸝王維

晚來枝上千般語似共桃花說舊心齊已鶯雖為說不分明葉

底枝頭謾饒舌白樂天姪姪人家小女兒半啼半語隔花枝蘇舜欽

**古今文貴**

求友

伐木燕朋友故舊也伐木丁丁鳥鳴嚶嚶出自幽谷遷于喬木  
嚶其鳴矣求其友聲相彼鳥矣猶求友聲矧伊人矣不求友生

金衣公子

明皇於禁苑中見黃鸝呼為金衣公子天寶遺事

往聽黃鸝

戴顓春日携斗酒曰往聽黃鸝聲此俗耳針砭詩腸鼓吹

**古今文集**

古詩

聽鶯歌

韋應物

東方欲曙花冥冥啼鶯相喚亦可聽乍去乍來時近遠絕聞南  
陌又東城忽似上林翻下苑綿綿蠻蠻如有情欲轉不轉意自  
嬌羞兒弄笛曲未調前聲後聲不相及秦女學箏指猶澁須臾  
風暖朝日暎流音變作百鳥喧誰家懶婦驚殘夢何處愁人憶

故園伯勞飛過聲跼促戴勝下時桑田綠不及流鶯日日啼花  
間能使萬家春意閑有時斷續聽不了飛去花枝猶裊裊還棲  
碧樹鎖千門春漏方殘一聲曉

聽鶯歌

僧瑩徹

新鶯傍簷曉更悲孤音清吟嚶柔枝口邊血出語未盡豈是怨  
恨人不知不食枯桑椹不銜苦李花偶然弄樞機宛轉陵烟霞  
衆雛飛鳴何跼促自覘遊鱗啄枯木玄猿何事朝夜啼白鷺長  
在汀洲宿黑鷗黃鶴豈不高金籠玉鈎傷羽毛三江七澤去不  
得風煙日暮生波濤飛去來莫上高城頭莫下空園裏城頭饑  
鳥拾腥膻空園燕雀爭泥滓願當結舌令白雲五月六日一聲  
不可聞

次韻叔父聖謨詠鶯遷谷

黃魯直

鴉舅頗強聒僕姑常勃礮黃鳥懷好音秋菊染春衣嚶嚶求朋  
友憂患同一枝提壺要酤我杜宇賦式微黃鳥在幽谷韶光養  
羽儀晴風耀桃李言語自知時先生丘中隱喬木見雄雌引子  
還綠陰相戒防禍機李杜死刀鋸陳張怨棄遺不如聽黃鳥求  
畫客爭棋

和魏衍聞鶯

陳無已

春力着人朝睡重葉底黃鸝鳴自送綠幕朱欄日觀明回廊側  
戶風簾動昨夜春回到寒谷好鳥飛來把脩竹整翰屬觴初一  
鳴已落君詩專妙獨退紅著綠春事殘後時獨立知何言則聽  
不盡已飛去懷抱此時誰與論

律詩

翠樾亭前鶯巢

楊廷秀

仰聽金衣語偶窺鶯婦巢深穿喬木裏危挂弱枝梢啄抱雙雙  
子經營寸寸茅何時雛脫殼新哢響交交

和武相公早春聞鶯

韓愈

早晚飛來入錦城誰人教解百般鳴春風紅樹驚眠處似妬歌  
童作艷聲

黃鶯

鄭谷

春雲薄薄日輝輝宮樹烟深隔水飛應為能歌係仙籍麻姑乞  
與女真衣

聞鶯

梅聖俞

最好聲音最好聽似調歌舌更叮嚀高枝拋過低枝立金羽脩  
眉黑染翎

聞鶯

楊廷秀

曉寒顧影惜金衣着意聽時不肯啼飛入柳陰多去處數聲只  
許落花知

黃鸝

王介甫

野花吹盡竹娟娟尚有黃鸝最可憐姪姹不知緣底事背人飛  
過北山前

攝事齋宮聞鶯

歐陽永叔

四月田家變穗稠桑枝生葉鳥啁啾鳳城綠樹知多少何處飛  
來黃栗留

燕

群書要語燕玄鳥也

廣雅

燕乙也

齊曰燕梁曰乙

爾雅

燕布

翅歧尾作巢避戊巳日

說文

仲春之月玄鳥至至之日以太牢

祠于高禘

月令

燕燕于飛下上其音差池其羽頡之頡之

衛風

大厦成而燕雀相賀

淮南子

人食燕肉不可入水為蛟龍所吞

博物志

燕雀爭處於一屋之下子毋相哺啣啣焉相樂以為安

矣突决上焚棟宇燕雀顏色不變是何也不知禍之將及也

呂氏春秋

山見白燕則其君生貴女今俗名燕為天女

京

**詩句**

袖中有短書願寄雙飛燕

李陵

願為雙飛燕御泥巢君室

文選

旅食雙飛燕街泥入此堂

應同避燥濕且復過炎涼

雙燕會傍主人飛

秋燕已如客

檣燕語留人

雨燕集深

條 風簾入雙燕

芹泥隨燕紫

並杜

陶暄逐風乙

韓 卷簾通

燕入后山

燕蹴飛花落舞筵

杜

自去自來堂上燕

杜

頻來語燕

定新巢

杜

老屋無僧燕作家

**古今事實**

吞卵而孕

簡狄祠于高媒有玄鳥遺卵簡狄吞之生契

詳見誕聖門

秦之

先顓頊之苗孫曰女脩女脩織玄鳥隕卵脩吞之生大業

並史記

玄鳥司分

郊子云少昊時玄鳥氏司分者也

春分來秋分去左傳

燕蟄河岸

世言燕子至秋社乃去仲春復來昔年因京東開河岸崩見蟄燕無數晉鄒鑒為兗州刺史鎮鄒山百姓饑餓或掘野鼠蟄燕而食之乃知燕亦蟄其驚蟄後中氣乃出非渡海也文昌雜錄茗溪漁隱曰余曩歲冬間於吳興山中營先壠闢一山路路傍有數巨石其穴頗深試令僕輩斫之見鶯燕蟄於其間者甚眾急掩之因驗文昌之言為是而撫遺之說為非也

殺三乳燕

沛國周氏有三子瘖並不能言有道人來乞飲聞其兒聲問之具以實對客曰君可還內思過食頃出口記小兒時當床有燕巢中有三子母還哺之輒出取食屋下舉手得及指內巢中燕子亦出口承受及取三燕熬各與之吞即死母還不見子悲鳴

而去因自悔責客變為道人曰君既知悔罪今除矣便聞其子語周正即不見道人宣驗記

詩繫燕足

長安任宗妻郭紹蘭宗賈販湖湘紹蘭為詩繫燕足燕去止于宗肩視之乃妻書也

古今文集

古詩

燕

梁吳筠

一燕海上來一燕高堂息一朝相逢遇依然舊相識問爾來何遲山川幾紆直答言海路長風駛飛無力

燕詩示劉叟叟有愛子背叟逃去甚念之叟少年



時亦嘗如是故作此以諭之

白居易

梁上有雙燕翩翩雄與雌銜泥兩椽間一巢生四兒四兒日夜長索食聲孜孜青蟲不易捕黃口無飽期莆瓜雖欲弊心力不知疲須臾十來往猶恐巢中饑辛勤三十日毋瘦雖漸肥喃喃教語言一一刷毛衣一旦羽翼成飛上庭樹枝舉翅不回顧隨風四散飛雌雄空中鳴聲盡呼不歸却入空巢裏啁啾終夜悲燕燕爾勿悲爾當反自思思爾爲誰日高飛背毋時當時父母念今日爾應知

燕銜泥

常應物

燕銜泥聲窸窣尾涎涎秋去何所歸春還復相見豈不解決絕高飛碧雲裏何爲地上銜泥滓銜泥雖賤意有營杏梁朝日巢欲成不見百鳥畏人林野宿翻遭羅網俎其肉未若銜泥入華屋燕銜泥百鳥之智莫與齊

律詩

感事

武瓘

瓘初投卷知舉蕭傲賞其有存故之意遂及第  
花開蝶滿枝花謝蝶還稀惟有舊時燕主人貧亦歸

燕

李山甫

每歲同辛苦看人似有情亂飛春得意幽語夜聞聲整羽莊姜恨迴身漢右輕豪家足金彈不用汚雕楹

烏衣巷

劉禹錫

晉南渡王謝諸名族居秦淮之南烏衣巷而詩話

多言王謝至烏衣國安也

朱雀橋邊野草花烏衣巷口夕陽斜舊時王謝堂前燕飛入尋常百姓家

村舍燕

杜牧

漢宮一百四十五多下珠簾閉瑣窓何處營巢夏將半茅簷煙裏語雙雙

歸燕詩獻庾侍郎

章孝標

舊累危巢泥已墮今年故向社前歸連雲大厦無棲處更傍誰家門戶飛

絕句

杜荀鶴

我屋汝嫌低不住雕梁畫閣也知寬大須穩擇安巢處莫到巢成却不安

春興

王之

閑寫新詩十數篇曉來鋪向竹窓前無端燕子欺人睡故落青泥汚綵牋

燕

王介甫

處處定知秋後別年年長向社前逢行藏似欲追時節豈是人間不見容

燕

鄭谷

年去年來來去忙春寒煙溼渡瀟湘低飛綠岸知梅雨亂入紅樓棟杏梁閑机硯中窺水殘落花徑裏得泥香千言萬語無人會又逐流鶯過短牆

詩話

燕女墳

宋末娼家女姚玉京嫁襄州小吏衛敬瑜溺水而死玉京守志  
 養舅姑常有雙燕巢梁間一日為鷲鳥所獲其一孤飛悲鳴排  
 徊至秋翔集玉京之臂如告別然玉京以紅縷繫足曰新春復  
 來為吾侶也明年果至因贈詩曰昔時無偶去今年還獨歸故  
 人恩義重不忍更雙飛自爾秋歸春來凡六七年其年玉京病  
 卒明年燕來周章哀鳴家人語曰玉京死矣墳在南郭燕遂至  
 墳所亦死每風清月明襄人見玉京與燕同遊漢水之濱唐李  
 公佐撰燕女墳記按南史載襄陽霸城王整之姊嫁衛敬瑜  
 亡截耳守志餘略同

烏衣國

唐王榭居金陵以航海為業遇風舟破榭附一板抵一洲見翁  
 媪皆阜服曰此吾王人即也引至宮室見王坐大殿左右皆婦  
 人王阜袍烏冠金花閃閃翁以女妻榭榭問女曰此國何名曰  
 烏衣國也王召宴於寶墨殿器皿俱黑命玄玉盃勸榭曰入吾  
 國漢有梅成今有足下王命作詩卒章云恨不此身生羽翼王  
 曰雖不能與君生羽翼亦可令君跨烟霧宴歸女曰君詩尾句  
 何相譏也王不悅遣人曰某日當回女取靈丹以崑崙玉盒盛  
 之遣榭曰此丹可召人神竟死未踰月者可使更生王命取飛  
 雲軒既至乃烏氈兜子耳令榭入其中閉目少息已至其家梁  
 上雙燕呢喃下視榭乃悟所上燕子國也至秋二燕將去悲鳴

庭戶榭書一絕繫燕尾曰誤到華胥國裏來玉人終日苦憐才  
雲軒飄去無消息淚洒春風幾百回來春燕至尾有小東乃所  
寄詩曰昔日相逢冥數合如今睽遠是生離來春縱有相思字  
三月天南無鴈飛明年燕果不來撫遺

### 用巢幕事

左氏傳云吳公子札自衛如晉宿于戚聞孫林甫擊鍾聲曰異  
哉夫子獲罪於君以在此懼有不足而又何樂夫子之在此也  
猶燕之巢於幕上也襄二十九年夫幕非燕巢之所言其至危  
也潘岳西征賦危素卵之累殼甚玄燕之巢幕丘希範與陳伯  
之書云將軍魚遊沸鼎之中燕巢飛幕之上不亦惑乎盖用此  
意後人因此言燕事多使巢幕似乎無謂謝宣遠九日從宋公

集戲馬臺詩巢幕無留燕遵渚有歸鴻杜子美對雨書懷詩震

雷翻幕燕驟雨落河魚

藝苑雌黃

### 託燕求退

張九齡在相位李林甫陰欲中之九齡作歸燕詩海燕河微眇  
乘春亦暫來豈知泥滓賤只見玉堂開棲戶時雙入華軒日幾  
回無心與物競鷹隼莫相猜林甫知其必退恚怒稍解明皇雜錄

託燕謝薦

見薦舉詩話門

### 燕詩見戲

楊德逢號湖陰先生丹陽陳輔浙西佳士也每歲清明過金陵  
上冢事畢則至蔣山過湖陰先生之居清談終日歲率以為常  
元豐辛酉癸亥頻歲訪之不遇題一絕于門云北山松粉未飄

事類彙編卷之四十五  
花白下風輕交脚斜身似舊時王謝燕一年一度到君家湖陰  
歸見其詩吟賞久之曾稱於荆公荆公笑曰此正戲君為尋常  
百姓耳湖陰亦大笑  
王直方雜記

# 百舌

群書要語反古百舌鳥

禮疏

能反覆其舌隨百鳥之音

易通卦

驗

仲夏之月反舌無聲

記月令

詩句

一家千里外百舌五更頭

顧况

古今事類

古今文集

古詩

百舌

郭惜 御覽

百舌鳴高樹弄音無常則借問聲何煩末俗不尚默

百舌

梅聖俞

一冬常噤默乘春何多舌蒼毛無文章尖嘴若騰說曉丹高高  
樹百鳥言漏泄只未聞鳳凰有亦學不徹傷哉古辯士徃徃遭  
車裂

百舌吟

劉禹錫

曉星零落春雲低初聞百舌間關啼花樹滿空迷處所搖動繁  
華墜紅雨笙簧百轉音韻多黃鸝吞聲燕無語東方朝日遲遲  
丹迎風弄景如自矜斂聲不盡又飛去何許相逢綠楊路綿蠻  
宛轉似娛人一心百舌何紛紜酡頰俠少停歌聽墜珥妖姬和

睡聞可憐光景何時盡誰能低頭避鷹隼廷尉張羅似不聞潘  
即挾彈無情損天生羽族爾何微舌端萬變乘春輝南方朱鳥  
一朝見索寞無言高下飛

律詩

百舌

杜甫

百舌來何處重重祇報春知音兼眾語整翮豈多身

百舌

張芸叟

學盡眾禽鳴終無自己聲深春喬木底緘口過平生

百舌

林君復

柳條初重草初肥烟濕園林晚未晞百種堪憐巧言語一般惟  
欠好毛衣欺凌紅杏從頭宿諷刺黃鸝趁背飛誰道開關便多

事竟能緘默送芳菲

詩話

杜詩有意

山谷云余讀周書月令反舌無聲讒人在側乃解老杜過時如  
發口君側有讒人之句

# 鷓鴣

群書要語鷓鴣臆前有白圓點背上間紫赤毛其大如小野鷄  
多對啼嶺表錄異鷓鴣雖東南迴翔然開翅之始必先南南越

志自呼鈎輈格磔本草

詩句坐中亦有江南客莫向春風唱鷓鴣

古今聖賢關

古今文集

古詩

失鷓鴣

梅聖俞

愛玩日已久開籠為馴故點臆雪花圓連袂浪紋素鈎斬格磔  
鳴耗耗翻翁去誰知煙渚深綠水脩篁處

放鷓鴣詞

柳宗元

楚越有鳥其且腴嘲嘲自名為鷓鴣徇媒得食不復慮機械潛  
發惟宜學羽毛摧折觸籠禦煙火煽赫驚庖厨鼎前芍藥調五  
味膳夫攘腕左右視齊王不忍穀棘牛簡子亦放邯鄲鳩二子  
得意猶念此况我萬里為孤囚破籠展翅當遠去同類相呼莫

相顧

律詩

聞鷓鴣

張復之

書中曾見曲中聞不是傷情即斷魂北客南來心未穩數聲相  
應過前村

鷓鴣

常莊

南禽無侶似相依錦翅雙雙傍馬飛孤竹廟前啼暮雨汨羅祠  
畔弔殘暉秦人只解歌為曲越女空能畫作衣懊惱澤家非有  
恨年年長憶鳳城歸

懊惱澤家鷓鴣之音也

戲詠零陵李宗古居士家馴鷓鴣

黃魯直

山雌之弟竹鷄兄乍入雕籠便不驚此鳥為公行不得報晴報

雨總同聲真人夢出大槐宮萬里蒼梧一洗空終日憂兄行不  
得鷓鴣應是鼻亭公象封有鼻

鷓鴣

鄭谷

暖戲煙蕪錦翼齊品流應得近山鷄雨昏青草湖邊過花落黃  
陵廟裏啼游子乍聞征袖濕佳人纔唱翠眉低相呼相應湘江  
闊苦竹叢深春日西

侯家鷓鴣

鄭谷

江天梅雨濕江籬此處烟香是此時苦竹嶺頭歸去日海棠花  
落舊樓枝春宵思極蘭燈暗曉月啼多錦幕垂唯有佳人憶南  
國慙慙爲爾唱愁辭

九子坡聞鷓鴣

李群玉

落照倉茫秋草明鷓鴣啼處遠人行正穿屈曲崎嶇路更聽鈞  
輈格磔聲曾泊桂江深岸雨亦於松嶺阻歸程此時爲爾腸千  
斷乞放今宵白髮生

鳩

群書要語勃鳩自關而東謂之即翠秦漢之間謂之鳩鵲鳩其  
大者謂之班鳩或謂之佳鳩方言鳩鳩音今之布穀江東  
呼爲撥穀尔雅一名鷓鴣同上宛彼鳴鳩詩佳陽人謂之班佳  
也詩維鷓有巢維鳩居之召南于嗟鳩兮無食桑椹詩仲春鷹  
化爲鳩記月令季春鳴鳩拂其羽同上羅氏仲春羅鳥戲鳩以  
養老周禮天欲雨鳩逐婦俗諺進雉鳩之耿耿兮總分而蔽之



詩句鳴鳩喚雨來

文粹鳩鳴暮求群

韓

瘦頸開鳩鴿

韓

晴鳩却

喚雨鳩歸

山谷

鳴鳩乳燕青春深

杜

古今事實

五鳩

剡子云少皞時祝鳩氏司徒者也鶡鳩氏司事者也五鳩聚民者也左傳

獻鳩而放

邯鄲人正旦獻鳩於趙簡子厚賞之客曰正旦放鳩厚恩也得賞競捕之不如勿賞簡子曰善孔叢子

元旦放鳩

滎陽有厄井沛公避項羽處時雙鳩集井上故漢世正旦放之漢地理志

白鳩表孝

鄭弘遷臨淮太守郡民涂憲在喪致哀白鳩巢側弘舉為孝廉朝廷稱白鳩即會稽典錄

畜鳩馴擾

傅咸曰余舍傍種楸成林閑居班鳩聲音可悅於是捕而畜之既而馴擾偶出之籠無何失之其後時時出來飛翔聊為之賦鳩賦序

鳩化金鈎

京兆長安有張氏獨處室有鳩自外入止于床張氏患之祝曰

鳴鳩來爲我福耶飛上承塵爲我福耶來入我懷鳩飛入懷以手探之則不知鳩之所在得一金帶鈎焉是後子孫昌盛蜀客聞之厚賂婢竊鈎以與張旣失鈎漸漸衰耗蜀客亦窮厄或告之曰天命也不可以力求於是賞鈎以反張氏張氏復昌故関西稱張氏鈎云 搜神記

贈鳩投好

毛傳好食鳩人與已相得必以鳩贈之一日李翔送十二籃好 車集

古詩

鳴鳩

歐陽永叔

天將陰陽鳴逐婦鳴中林鳩婦怒啼無好音天雨止鳩呼鳩婦鳴且喜婦不亟還呼不已逐之其去恨不早呼不肯來固其理吾老病骨知陰晴每愁天陰聞此聲日長勿睡不可得遭爾聒聒何時停衆鳥笑鳴鳩爾拙固無匹不能娶巧婦以共營家室寄巢生子四散飛一身有婦長相失夫婦之恩重泰山背恩棄義須臾間心非無情不得已物有大拙誠可憐君不見人心百態巧且艱臨危利害兩相関朝爲親戚暮仇敵自古常嘆交道難

代鳩婦言

歐陽永叔

班然錦翼花簇簇雄雌相隨樂不足抱雛出卵翅羽成豈料一朝還反目人言嫁雞逐鷄飛安知嫁鳩被鳩逐古來有盛必有

事類彙編卷之四十一  
德詩堂  
衰富貴莫忘貧賤時女棄父母嫁曰歸中道舍君何所之天生  
萬物各有類誰謂鳥獸為無知雖無仁義有情愛苟聞此言寧  
不悲 一詩又見梅宛陵集中

# 啄木

群書要語為斲木也 尔雅啄木大如雀喙足背青色正青翠舌  
長寸秒有刺針 異物志

**古今事類**

**古今文集**

雜著

## 啄木詞

歐陽永叔

木皇司春兮物熙以春芽者斯勾兮申者斯萌物賴皇兮榮以  
欣翳有蟲兮甚不仁穴皇木兮群以聚穴不已兮又加咀皇木  
病兮窵將深皇心測兮傷爾蝎彼鸞兮善啄吾利汝啄兮飢汝  
腹飛以鳴兮啄且食蟲不盡兮啄莫息山之麓兮水之濱皮堅  
節癭兮龍甲蛇鱗節流膏兮吻流血百不一兮徒飢渴蠹日滋  
兮鴛日苦哀謂皇兮披雲路雲之際兮不可見託歸風兮仰訴  
苦初三皇兮其仁惠憐民愛物使兩遂宥民處兮鮮民食宥不  
棟梁兮鮮不薪米其求甚少兮給之孔易野鬱鬱兮山蒼蒼土  
有毛髮兮山有衣裳金不鞣治兮器及不芒木至老朽兮不見  
菑殃聖萌機兮五財利瞻有足兮生不匱蔽風避濕兮脩容威  
廟祭室寢兮猶無異為帝何思之不熟兮忽生般而與種丹髹

之不巳兮又以雕幾斜鉤曲闢兮華照欄梯高構險兮目精眩  
地禿而赭兮山裸而寒材者傷死兮生者力殫一躬之庇兮一  
林夷族偶龍木馬兮重閣陰屋皇民暴嗇兮驅之以朴憶智巧  
兮誰為是既紛紛而不止工蠹則大兮蠹蠹則已補小縱大兮  
將何謂皇惜木兮雖甚恩臣利食兮啄徒勤蠹未入口兮工至  
其根與其啄蠹能盡不如得啄匠手使不堪於斧斤

古詩

啄木詩

晉傅玄

啄木高翔鳴喞喞飄搖林薄著桑槐縷綠樹間啄如佳嚶嚶  
嚶聲正悲專為萬物作倡俳當此之時樂不可迴

啄木歌

王元之

淮南啄木大如鴉頂似仙鶴堆丹砂嘴長數寸勁如鐵丁丁亂  
鑿乾枯檜黃柑紅桃多有蠹受命鳳凰須破柱何當更與綉衣  
裳羽族橫飛作持斧

啄木詞

張文潛

紅錦長條當背垂紫檀槽穩橫朱絲美人亭亭面如雪纖手當  
弦金捍撥彈成丁丁啄木聲春林蔽日春晝晴徘徊深枝穿翠  
葉王啄勞時還暫歇深園斷嶺人不知中有槎枒風雨枝蠹多  
蟲老飽可樂山靜花深終日啄雄雌相求飛且鳴高枝礪嘴枝  
有聲無功忍使飢腸飽有意却教枯樹青疾彈如歌細如語曲  
欲終時更情駐一聲穿樹忽驚飛葉動枝搖不知處

律詩

啄木鳥

魏野

瓜利嘴還剛殘陽啄更忙千林蠹如盡一腹餒何坊形小過槐  
陌聲高近草堂豈能同燕雀惟解占高粱

啄木謠

唐陳標

丁丁向晚急還啼啄徧庭前未肯歸終日與君除蠹害莫嫌無  
事不平飛

雀

鷓鴣附

群書要語

雀依人小鳥也

說文

雀一名嘉賓言栖宿人家如賓

客也

雀約古今注

季秋雀入大水化為蛤

月令

誰謂雀無角何

以穿我屋

行露

萬雀不能抵一鷹

抱朴子

突決棟焚燕雀不知

呂氏春秋

大厦成而燕雀賀

淮南子

明珠彈雀貴不當也

太玄經

鷓鴣

肇允彼桃蟲

今鷓鴣巢林不過一枝

莊子

鷓鴣

離雀暮喧繁

鳥雀依茅茨

鳥雀聚枝深

啾啾窸間

雀

得食塔除鳥雀馴

宮殿風微燕雀高

並杜

古今事考

探雀穀

齊景公探雀穀穀弱反之晏子再拜曰吾君有聖人之道矣君  
探穀二弱故反之是長幼也禽獸若此而况人乎

黃口貪食

孔子見羅雀者所得皆黃口小雀曰大雀若驚而難得小雀貪  
食而易得

家語

王孫彈雀

莊子謂楚王曰夫雀俯啄白粒仰栖茂樹鼓翅奮翼自以為無患不知夫公子王孫左挾彈右攝丸以加其頸也戰國策

群雀相呼

楊宣為河西太守行縣有群雀鳴桑樹上宣謂吏曰前有覆車粟此雀相隨欲往食行數里果有覆車粟益部耆舊傳

雀鳴復官

圉人魏尚高帝時為太史有罪繫獄有萬雀集獄棘樹上鳴曰雀雷命之祥我欲復故官也陳留耆舊傳

雀占其貴

潘樂初生有一雀止其母左肩占者咸謂富貴之徵因字曰貴

北史

雀食野蚋

開元間幽州長史張守珪界內野蚋虫食田稼曼延入平州俄頃有群雀來食此虫一日食盡平州稼穡無有傷者唐書

古今文集

古詩

空城雀

羅隱

雀入官倉中所食能損幾所慮往復頻官倉乃害爾鳥網不在天鳥網不張水飲啄要自然何必空城裏

野田雀

僧貫休

高樹風多吹爾巢落蒿深葉暖宜爾依泊莫近鸚鵡珠網亦惡

事類彙編

卷之四十五

二十一

鳥獸類

飲田野之清水食田野之黃粟深花中睡勃一作浮土裏浴如  
此即全勝咏太倉之谷而穿人之屋

律詩

寒雀

楊廷秀

百千寒雀下空庭小集梅梢話晚晴特地作團喧殺我忽然驚  
散寂無聲

東窻梅影上有寒雀往來

楊廷秀

梅花寒雀不須臾日影橫窓作畫圖寒雀解飛花解舞君看此  
畫古今無

雜著 係鷓鴣

鷓鴣賦

張華

鷓鴣小鳥也生於蒿萊之間長於藩籬之下翔集尋常之內而  
生生之理足矣色淺體陋不為人用形微處卑物莫之害繁滋  
族類乘居匹遊翩翩然有以自得彼鷺鷥鸚鵡鴻孔雀翡翠或陵  
赤霄之際或託絕垠之外翰舉足以冲天崑距足以自衛然皆  
負繒嬰繳羽毛入貢何者有用於人也夫言有淺而可以託深  
類有微而可以喻大故賦之云爾

何造化之多端兮播群形於萬類惟鷓鴣之微形兮亦攝生而  
受氣育翩翩之陋體兮無玄黃以自貴毛弗施於器用兮肉不  
登乎俎味鷹鷂之過猶傾翼兮鷺鳥以其小猶傾翼而過尚可懼於罾罟翳  
蒼蒙籠是焉遊集飛不飄颺翔不翕習急疾也其居易容其求易  
給巢林不過一枝每食不過數粒栖無所滯遊無所般匪陋荆

棘匪榮蔭蘭動翼而逸投足而安委命順理與物無患伊茲禽  
 之無知兮何處身之似智不懷寶以賈害兮不飾表以招累靜  
 守約而不矜動因循以簡易任自然以為資無誘慕於世偽鵬  
 鷗介其背距鴻鵠軼於雲際鷓鴣竄於幽險孔翠生乎遐裔役  
 晨鳧與歸鴈又矯翼而增逝咸美羽而豐肌故無罪而皆斃徒  
 銜蘆以避繳終為戮於此世蒼鷹鷲而受縲鸚鵡慧而入籠屈  
 猛志於養塊以幽繫於九重變音聲以受旨思摧服而為庸戀  
 鍾岱之林野慕壠坻之高松雖蒙幸於今日未若疇昔之從容  
 海鳥鷓鴣避風而至條枝國名巨雀踰嶺自致提挈萬里飄颻  
 逼畏天惟體大妨物而形魂足瑞也陰陽陶蒸萬品一區巨細  
 舛錯種繁類殊鷓鴣巢於蚊睫大鵬彌乎天隅將以上方不足  
 而下比有餘普天壤以遐觀吾又安知其小大之所如

### 黃雀

羣書要語黃雀體絕肥江夏竟陵常獻給大官廣雅

詩句黃雀飽野粟杜

古今事類

黃雀銜環見報恩門

黃雀在後

吳王欲依刑有諫者死舍人少孺子懷丸操彈於後園露沾衣  
 王恠之對曰園有榆上有蟬蟬高居悲鳴飲露不知螳螂在其  
 後螳螂之捕蟬而不知黃雀在其後臣執彈丸欲取黃雀不覺



露沾衣如此皆務欲得於前不顧於後患吳乃罷說苑

孝感黃雀

王祥後母病欲得黃雀炙祥思念卒難致須臾有數十黃雀飛人其幕

古今文集

古詩

謝張泰伯惠黃雀鮓

黃魯直

去家十二年黃雀慳下筋笑開張侯盤湯餅始有助蜀王煎藪法醢以羊彘兔麥餅薄於紙含漿和鹹酢秋霜落場穀一一挾蠶絮飛飛蒿艾間入網輒萬數烹煎宜老稚罍缶煩愛護南包解京師至尊所珍御玉盤登百十睥睨輕桂蠹五侯噦豢豹見

謂美無度瀕河飯食漿瓜瓠已佳如誰言風沙中鄉味入供具坐令新饌甘更使客得與蒲陰雖窮僻勉作三年住願公且安樂分寄尚能屢

野田黃雀行

李白

遊莫逐炎洲翠棲莫近吳宮燕炎洲逐翠遭網羅吳宮火起焚其巢蕭條兩翅高蓬下縱有鷹鷂柰爾何

黃雀

蘇子由

秋風下黃雀飛禾田熟黃雀肥群飛蔽空日色薄逡巡百願未為稀翾翾巧捷多且微精丸妙繳舉輒違乘時席勢不可揮一朝風雨寒霏霏肉多翅重天時非農夫舉網驚合圍懸頸繫足慮無衣百箇同足仍相依頭顱萬里行不歸北方居人厭羔豨

咀噍聊發一笑歎

李聖俞郎中求吾家江西黃雀鮓法戲作醴經遺之

楊廷秀

江夏無雙小道士一丘一壑長避世裁雲縫霧作羽衣蘆花柳  
 綿當袂袂身騎鴻鵠太液池脚踏金暮攀桂枝渴飲南陽菊潭  
 水饑啄藍田粟玉芝今年天田秋大熟紫皇遣刈神倉谷一饒  
 鳧鳥隨雪羅夜隨七人卧茅屋賣身不直程將軍却與彭越俱  
 策勳解衣戲入玉壺底壺中別是一乾坤水精盪山兩岐麥身  
 在椒蘭衆香國玉條脫下澡凝脂金叵羅中酌瓊液平生學仙  
 不學禪剗心洗髓糟床邊諸公俎豆驚四筵猶得留侯借著前  
 昔爲飛仙今酒仙更入太史滑稽篇

律詩

送呂嘉問出守

王介甫

黃雀好頭顱常行萬里餘想因君出守暫得免苞苴

黃雀鮓

朱元晦

黃雀飛鳴處交交異竊脂

桑扈各切脂益以不食谷得名稻梁

求易足羅網去何遲味厚資偏嗜謀疎闕自爲韓彭尚殖醢么  
 麼爾誠宜

新編古今事文類集後集卷之四十五終

事類彙編後集

卷之四十五

卅四

德壽堂

事類彙編 卷之四十五 禮部 禮儀

黃雀

卷六

黃雀致願 萬里 稽顙 因 昏 出 寧 禮 節 與 昔 直

卷六

王介甫

新編古今事文類聚後集卷之四十六

建安 祝穆 和父 編

金陵 唐富春 子和 梓

羽蟲部

# 雞

**祥書要語**雞大者曰蜀稚於成曰健三尺為鷓絕有力曰奮尔

雅雞為積陽火德之精故陽出雞鳴以類感也春秋題辭桃都

山有大樹曰桃都枝相去三千里上有天雞日初出照此木天

雞即鳴天下雞皆隨之玄中記雞人掌夜呼旦詔為官周禮巽

為雞易牝雞無晨牝雞之晨惟家之索商書祭宗廟之禮雞曰

事類彙編後集 卷之四十六 禮部 禮儀 德壽堂梓

翰音

禮記

子事父母雞初鳴咸盥漱

曲禮

雞棲于埘注鑿垣而

棲為埘棲於柵為梁

國風

五母雞

孟子

雞鳴犬吠相聞以達乎

四境同上雞司晨

蜀楊顯傳

雞有專棲之雄

抱朴子

連雞不能

俱上於棲

戰國策

鳴鷄戒旦則飄爾晨征

文選趙景真書

詩句雞聲茅店月

溫庭筠

鄰雞凍不歌

山谷

晨雞喔喔鳴

劉禹

錫

夜半金雞啁啾鳴

韓

黃雞催曉丑時鳴

白樂天

古今事實

雞鳴為善

雞鳴而起孳孳為善者舜之徒也

孟子

聞雞相警

雞鳴思賢妃也哀八荒淫怠慢故陳賢妃貞女夙夜警戒相成

之道焉雞既鳴矣朝既盈矣匪雞則鳴蒼蠅之聲虫飛薨薨其

與子同夢會且歸矣無庶予子憎

齊風

女曰雞鳴刺不悅德也

陳古義以刺今不悅德而好色也女曰雞鳴士曰昧旦子與視

夜明星有爛將翔將翔弋鳧與鴈

鄭風

風雨不渝

風雨君子也亂世則思君子不改其度焉風雨淒淒雞鳴喈喈

既見君子云胡不夷風雨瀟瀟雞鳴膠膠風雨如晦雞鳴不已

殺雞為黍

子路遇丈人以杖荷蓀止子路宿殺雞為黍而食之

出犬雞詛

鄭伯使行出犬雞以詛射穎考叔者

自斷其尾

賓孟適郊見雉雞自斷其尾問之侍者曰憚其為犧也昭公二十二年

雞有五德

田饒事魯哀公而不見察告哀公曰臣將去君黃鵠舉矣哀公曰何謂也饒曰君不見夫雞乎頭戴冠者文也足搏距者武也敵在前敢鬪者勇也見食相呼者仁也守夜不失時者信也雞雖有五德君猶日淪而食之者何也以其所從來近也夫鵠一舉千里止君園池食君魚鱉啄君黍粱無此五德而君猶貴之以其所從來者遠也韓詩外傳

雞鳴度關見閔市門

雞犬識家見育聖門

雞大得仙見神仙門

獻長鳴雞

成帝時交距越雉獻長鳴雞司晨雞即下漏驗之晷刻無差長鳴一食時不絕長距善鬪西京雜記

姑盜食雞見姑婦門

呼雞祝祝

祝雞翁雒陽人居尸鄉北山下養雞百餘牢雞皆有名字千餘頭暮栖于樹晝日放散呼名即種別而至列仙傳祝雞翁善養雞今世人呼雞云祝祝起此也博物志俗傳雞本朱氏翁化為之故呼雞皆曰朱朱風俗通

雞肋可惜

魏王入漢中討劉備不得進欲守復難意欲棄之乃發令云雞  
肋官屬不知主簿楊脩曰夫雞肋棄之則可惜噉之無所得王  
遂還九州春秋

聞雞起舞

晉祖狄與劉琨俱為司州主簿情好綢繆共被而寢中夜聞荒  
雞鳴蹴琨覺曰此非惡聲也因起舞相謂曰若四海鼎沸豪傑  
並起吾與足下當相避於中原

火雞燒營

殷浩北伐辟江道為長史取鷄百餘隻以長繩連之腳皆繫火  
一時驅放群雞駭散過塹飛集羌營皆然因其驚亂衆兵擊之  
宋憲雞

晉兖州刺史沛國宋處宗嘗買得一長鳴雞愛養甚至常籠着  
窓間雞遂作人語與處宗談論極有玄致終日不輟處宗因此

玄乃大進

幽冥錄

決爭雞訟

見官政門

知吏食雞

宋世良為清河太守發奸摘伏嘗有一吏休蒲還郡食人雞豚  
世良叱而語之叩頭伏罪北史

古今文集

雜著

衛士傳雞唱

光黃人二三月群聚謳歌不中音律宛轉如雞鳴耳與宮人唱

漏微相似但極鄙野漢官儀宮中不畜雞汝南出長鳴雞衛士  
候於朱雀門外專傳雞唱又應劭曰今雞鳴歌晉太康地道記  
曰後漢衛士習此曲於闕下歌之今雞唱是也

志林

### 鳴雞賦

張文潛

先生閑居學道昧旦而興家畜一雞司晨而鳴畜之既老語默  
有程意氣武毅被服鮮明峩峩朱冠丹頸玄膺蒼距矯擢秀尾  
翹騰奉職有恪徐步我庭啄粟飲水孔肅靡爭山川蒼蒼風霰  
宵凝黯幽窻之統統恍余夢之初驚萬里一寂鍾鼓無聲聞振  
衣之脂腠忽孤奏之泠泠委更壽之雜亂和城角之淒清應雲  
外之鳴鴻弔山巔之落星歌三歎於而復寂夜五分而既更萬境  
皆作車運馬行先生杖屨而出歸觀大明之東生

### 古詩

#### 縛雞行

杜甫

小奴縛雞向市賣雞被縛急相喧爭家中厭雞食蟲蟻不知雞  
賣還遭烹虫雞於人何厚薄吾此奴兒解其縛雞虫得失無了  
時注目寒汀倚江閣洪容齋云此詩自是一段好議論至結句  
之妙非它人所能企及也

#### 雞啼曲

李廓

星稀月没入五更膠角角雞初鳴征人牽馬出門立辭妻欲  
向長安行再鳴引頸茅簷下樓中角聲催上馬絕分地色第三  
鳴旌旆紅塵已出城婦人上城亂招手夫壻不聞遙哭聲長恨  
雞鳴別時苦不遣雞栖近窻戶

律詩

雞

杜甫

紀德名標五初鳴度必三殊方聽有異失次曉無慙問俗人情似充庖爾輩堪氣交亭育際巫峽漏司南

雞

司馬君實

羽短籠深不得飛久留寧為稻梁肥膠膠風雨鳴何苦蒲室高眠正掩扉

### 鬪雞

金背鐵距 六帖 前看如倒傍視如傾頭象規作紫似削成高膺峭峙雙翅齊平躍身竦躄怒勢橫生瓜似煉銅目如

奔星揚翅因風撫翮長鳴猛志橫逸勢凌天庭或躑躅啣蹶嘯喋容與或肥地俯仰或撫翼未舉或復顧鴉視或鷹翔望舉或佯背而引敵或畢命於強禦得勢者凌九天失據者淪九地傳

玄賦

### 古今事實

芥其雞

季郈之雞鬪季平子郈伯二家相近故鷄鬪 季氏芥其雞芥子播其羽或曰以膠沙播羽為芥也

郈氏為之金距平子怒怒其不下已 且讓之故郈伯亦怨平子

昭公六年

養鬪雞

紀渚子為周宣王養鬪雞十日而問之雞可鬪乎曰未也方虛



驕而恃氣十日又問之曰未也猶疾視而盛氣十日又問之曰  
幾矣望之如木雞其德全矣具雞無敢應者也 列子

狸膏塗頭

莊子謂惠子曰羊溝 閩鷄處 之雞三歲為秣 秣冠帥也 相者視

之則非良雞也然數以勝人者以狸膏塗其頭也 鷄畏狸故也

好鬪雞

宣帝好鬪雞

鬪雞賭錢

扶南山范尋公以鐵為鬪雞假距與諸將賭錢 吳外國

鬪雞兵象

元宗好鬪雞貴臣外戚皆尚之貧者或弄木雞識者以為雞酉

厲帝生之歲也鬪者兵象近雞禍也 五行志

以鬪雞進

楊國忠以鬪雞進 楊妃外傳

古今文集

雜著

說天雞

羅隱

狙氏子不得父術而得雞之性焉其父畜養者冠距不舉毛羽  
不彰兀然若無欲啄意洎見敵則他雞之雄也伺晨則他雞之  
先也故謂之天雞狙氏死傳其術於子且反先人之道非毛羽  
彩錯鬚距銛利者不與其棲無復問向時伺晨之儔見敵之勇  
我冠高步飲啄而已吁道之壞矣有是夫

古詩

鬪雞聯句

韓愈孟郊

大雞昂然來小雞竦而待崢嶸巖盛氣洗刷凝鮮彩高行若矜  
 豪側睨如何殆精光目相射劒戟心獨在既取冠為胃復以距  
 為鍛天時得清寒地利挾爽塏磔客格反毛各噤瘁所錄反怒  
 瘦爭硯磊俄膺忽爾低植立瞥而改臍膊戰聲喧續翻落羽雖  
 中休事未決小挫勢益倍妬腸務生敵賊性專相醢裂血失鳴  
 聲喙鳥開反甚肥餒對起何急驚隨旋仍巧給毒手飽季陽  
 神槌困朱亥測心我以仁碎首爾何罪獨勝事有然傍驚汗流  
 免知雄欣動顏怯負愁看賄爭觀雲填道助叫波翻海爭瓜深  
 難解嗔晴時未怠一噴一醒然再接再礪乃頭垂碎丹砂翼塌

拖錦彩連軒尚賈餘清厲比歸凱選俊感收毛受恩慙始隗英  
 心甘鬪死義肉耻庖宰君看鬪雞篇短韻亦可採

晚泊觀鬪雞

梅聖俞

舟子抱雞來雄雄峙高岸側行初取勢俯啄示無憚先鳴氣益  
 振奮擊心非愾勇頸毛逆張怒目皆裂肝血流何所爭死鬪欲  
 充玩應當邀猛毅豈獨專晨旦勝酒人自私粒未誰爾喚紆懷  
 彼與魏傍睨當衰漢徒然驅國衆曾靡救時難群雄自苦戰九  
 錫邀平亂寶玉歸大姦干戈託竒筭從來小資大聊用一長歎

律詩

鬪雞東郊道

陳褚玠

春郊鬪雞侶棒敵兩逢迎妬群排袖出帶勇向場驚錦毛侵距

散芥尾雜塵生還同戰勝罷耿介寄前鳴

闔雞

陳無已

崢嶸已介季氏甲更以黃金飾兩戈雖有英心其闔死其如紀  
涓木雞何

# 山雞

**群書要語** 一名錦雞 尔雅 山雞有美毛自愛其毛終日影水日

眩則溺 博物志 鷓鴣山雞也利距善闔世以家雞闔之則可擒

其色鮮明五朵炫耀 南越志 巴峽中有吐綬雞以其羽毛有白

圓點又名真珠雞嗉藏肉綬長闊數寸紅碧相間極煥爛常時  
不見須遇晴日則向陽擺之頂首先出兩角肉亦二寸許然後

徐舒其綬踰時悉斂於嗉下披廿六毛不復見或有死者割其頸

臆間亦無所覩 倦遊雜錄

**古今事實** 歲時輕風裏若垂何可擬 李文饒

鏡照而舞

魏武帝時南方獻山雞帝欲其鳴舞而無由公子蒼舒令以大  
鏡著其前雞鑑形而舞不知止遂至死帝仲將為之賦 異苑

**古今文集**

古詩

錦雞

歐陽永叔

蠻荆鮮人秀厥美為物恠禽鳥得之多山雞稟其粹眾彩爛成

專文苑集卷之四十六  
九  
德壽堂  
文真色不可繪。仙衣霓紛披。女錦花繚繞。輝華日光亂。眩轉目  
精憊。高田啄秋粟。下澗飲寒瀨。清唳或相呼。舞影還自愛。豈知  
文章累。遂使羅網掛。又禍誠有媒。來友反遭賣。有身乃五患。斷  
尾亦前戒。不群世所驚。甚美衆之害。稻梁雖云厚。焚斃豈爲泰。  
山林歸無期。羽翮日以礙。用晦有前言。量足之可爲戒。

吐綬鳥

劉禹錫

越山有鳥翔寥廓。嗟中天綬光若若。越人偶見而竒之。因名吐  
綬江南。知四明天姥神仙地。朱鳥星精鍾異氣。赤玉雕成彪炳  
毛。紅綉剪出玲瓏。起湖煙始開山。日高迎風吐綬盤。花條臨波  
似染琅玕草。映葉疑開王母桃花。紅草綠人間事。未若靈禽自  
然。貴鶴吐明珠。暫報恩鵲銜金印。空爲瑞春和秋霽。野花開玩  
景。尋芳處處來。翠幙雕籠非所慕。珠丸柘彈莫相猜。棲月啼煙  
陵縹緲。高秋先見金霞曉。三山仙路寄遙情。刷羽揚翹欲上征。  
不紫碧雞依并絡。願隨青鳥向層城。太液池中有黃鸝。伶君長  
向單枝宿。何如一借羊角風。來聽簫韶九成曲。

律詩

山雞

溫庭筠

石壑動晴景。山禽凌翠微。繡翎翻草去。紅觜啄花歸。巢暖碧雲  
色。影孤清鏡輝。不知春樹畔。何處又分飛。

錦雞

王介甫

焚籠寄食老低摧。組麗深藏肯自媒。天日清明聊一吐。兒童初  
見五驚猜。

鴈 鴻附

群書要語 鴈之醜其脚指間有膜蹠屬相著爾雅 鳴鵝倉鳴

鴈也廣雅 季冬之月鴈北鄉月令 大夫執鴈取其候時而行也

婚禮納采用鴈儀禮 凡贊大夫用鴈鴈有先後行列故以為贊

繁露 兄弟之齒以鴈行禮記 鴈銜蘆以避矰繳淮南子 譬若江

湖之雀渤澥之鳥乘鴈集不為之多雙鳧飛不為之少解嘲 梁

州界有鴈塞山相傳此山有大池水鴈棲集故名鴈塞梁州記

衡州有回鴈峯鴈至此不過遇春而回郡志

鴻鴈鴻鴈春北而秋南不失其時管子 大曰鴻小曰鴈詩疏 鴻

鵠羽毛純白似鶴而大肉美如鴈同上 孟春之月鴻鴈來季秋

之月鴻鴈來賓月令 鴻漸干陸其羽可用為儀吉漸卦 鴻網之

設魚則離之新臺 鴻飛遵渚公歸無所於女信處狼跋 鴻飛冥

冥弋人何慕焉揚子 翼乎如鴻毛之遇順風王褒頌

詩句 嗷嗷雲中鴈謝康樂 寄書曇間鴈范彦龍 金風新過鴈

邊秋一鴈聲 別浦鴈賓秋 宿鴈聚圓沙 落鴈浮寒水並

杜 戰蒲知鴈唳李義山 萬里衡湯鴈今年又北歸杜 鴻鴈幾時

過江湖秋水多杜 遵渚有來鴻謝元暉 殘星幾點鴈橫塞杜 驚

起暮天沙上鴈海門斜去兩三行並杜牧 仙掌月明孤影過長

門燈暗數聲來杜 北風驅鴈天雨霜鮑昭

古今事考

烹不鳴鴈

莊子出於山舍故人之家令堅子請曰其一鴈能鳴其一不能  
鳴請宰殺主人曰殺不能鳴者弟子問曰主人之鴈以不材而  
死滿坐何處焉莊子笑曰周將處夫材與不材之間乎

變弓鴈落

更盈侍魏王見一鴈過曰臣能擢弓而落乃變弓鴈即落

家語

鴈足繫書 見書簡門

作朱鴈歌

漢武帝幸東海獲赤鴈作朱鴈之歌

在郡食鴈

後漢度遼將軍皇甫規解官東歸安定鄉人有以貨買鴈門太  
守者亦去職還家書刺謁卧不迎既入而問鄉前在郡食鴈

美平

射鴈貫錢

晉朱漢質少時善射嘗因與同輩出獵指一飛鴈隨矢而落其  
鏃正中其臆臆上貫一金錢有篆文示其郡之碩學此目無識者  
人甚異之由是號為朱落鴈

鴻鴈安集 以下係鴻鴈

鴻鴈美宣王也萬民離散不安其居而能勞來還定安集之至  
於矜寡無不得其所焉鴻鴈于飛集于中澤之子于垣百堵皆  
作雖則劬勞其究安宅

獻鴻道飛 或以為鶴見鶴門

猶鴻有翼

桓公在位管仲隰朋見立有間有二鴻飛過桓公歎曰仲父今

彼鴻鵠有時而南有時而北四方無遠所欲至而至焉唯有羽翼之故寡人有仲父猶飛鴻有羽翼也

戒食射鴻

衛獻公戒孫文子甯惠子食皆服而朝日旰不召而射鴻於圃二子從之公不釋皮弁而與之言二子怒如戚

左傳

鴻安可籠

晉郭瑀隱於臨菑谷張天錫使蓋公明徵之瑀指翔鴻以示之曰此鳥也安可籠哉遂深迹跡公明拘其門人瑀歎曰吾逃祿非逃罪也豈得隱居行義害及門人乃出就徵

養鴻賞玩

盧思道遷武陽太守為孤鴻賦曰有離群之鴻為羅者所獲野人馴養夏之於余置諸池庭朝夕賞翫用以銷憂

賦序

古今文集

雜著

南人捕鴈

鴈宿於江湖之岸沙渚之中動計千百大者居其中令鴈奴圍而警察南人採捕者俟其天色陰暗或無月時於瓦罐中藏燭持捧者數人屏氣潛行將欲及之則畧舉燭便藏之鴈奴驚叫大者亦驚頃之復定又如前舉燭鴈奴又驚如是數次大者怒啄鴈奴秉燭者徐逼之更舉燭則鴈奴懼啄不復動矣乃高舉其燭持捧者齊入群中亂擊之所獲甚多昔有淮南人張疑評事話之此人親曾採捕

玉堂閑話

古詩

詠湖中鴈

沈約

白水滄春堂旅鴈每迴翔  
暖流亭弱藻歛翮帶餘霜  
群浮動輕浪單泛逐孤光  
懸飛竟不下亂起未成行  
刷羽同搖漾一舉還故鄉

同昌叔賦鴈奴

王介甫

鴈鴈無定棲隨陽以南北  
嗟哉此為奴至性能懇側  
人將伺其殆奴輒告之亟  
舉群竦而飛機巧無所得  
夜或以火取奴鳴火因匿  
頻驚我捕顧謂奴不直嗷嗷  
身百憂泯泯衆一息相隨  
入贈繳豈不聽者感偷安  
與受給自古有亡國君看  
鴈奴篇禍福甚明白

鳴鴈

韓愈

嗷嗷鳴鴈鳴且飛窮秋南至春北歸  
去寒就暖識所處天長地久棲息稀  
風霜酸苦稻粱微羽毛摧落身不肥  
徘徊反顧群侶遠哀鳴欲下洲渚非  
江南水濶朔雲多草長沙軟無網羅  
閑飛靜集鳴相和遠憂懷惠性匪他  
凌風一舉君謂何

律詩

孤鴈

杜甫

孤鴈不飲啄飛鳴聲念群誰憐一片影  
相失萬重雲  
羣盡似猶見哀多如更聞野鴉無意緒  
啼噪自紛紛

鴈

歐陽永叔

來時沙磧已冰霜飛過江南木葉黃  
水闊天低雲暗澹朔風吹



起自成行

早鴈

杜牧

金河秋半虜弦開  
雲上驚飛四散哀  
仙掌月明孤影過  
長門燈暗幾聲來  
雖隨胡馬翩翩去  
豈逐春風一一迴  
莫厭瀟湘少人處  
水多菰米岸莓苔

鴈

鄭谷

八月悲風九月霜  
蓼花紅澹蒲條黃  
石頭城下波搖影  
星子灣西雲間行  
驚起漁家吹短笛  
失群征戍鎖殘陽  
故鄉聞爾亦惆悵  
何況扁舟非故鄉

# 鴛鴦

鵝鵝附

**群書要語**鴛鴦水鳥鳧類雌雄未嘗相離人得其一則一者相思死故謂之匹鳥古今注鴛鴦在梁戢其左翼注止則相偶飛則成雙詩鴛鴦于飛畢之羅之詩鴛鴦兮噫楚詞勝林鳥之

同心蓮池魚之比目竟上相思之樹文連新錦之機梁元帝賦

**詩句**客從遠方來遺我一端綺文彩雙鴛鴦裁為合歡被古樂府

江檻俯鴛鴦杜驚起鴛鴦豈無恨一雙飛去却回頭杜牧

水鳥毛有五采臨海異物志

一雙鷓鴣對沉浮

瓦化鴛鴦

## 古今事貴

魏文帝問周宣曰吾夢殿屋兩瓦墜地化為鴛鴦何也宣對曰

後宮富有暴死者帝曰吾詐卿耳宣曰夫夢者意耳苟以形言  
後占吉凶言未卒黃門今奏宮人相殺

人化鴛鴦

大夫韓朋一作憑其妻美好康王奪之朋怨王囚之朋遂自殺  
妻乃陰腐其衣王與之登臺自投臺下左右捉衣衣不勝手遺  
書于帶下曰願以屍還韓氏而合葬王怒令埋之兩塚相望經  
宿忽見有梓木生二塚之上根交于下枝連其上又有鳥如鴛  
鴦常棲其樹朝暮悲鳴南人謂此禽即韓朋夫婦之精魂搜神記

鸕鶿呈祥係鸕鶿

河南府尹闕前臨大溪每僚佐有入臺則水中先有小灘漲出  
石礫金浴潏可愛牛僧孺為縣尉一旦忽報灘出翌日宰邑與  
同僚列進於亭上觀之有老吏云此必分司御史若是西臺灘  
上當有鸕鶿一雙立前後以此為則僧孺潛揣縣僚無已出者  
因舉杯曰既能有灘何惜一雙鸕鶿宴未終俄有鸕鶿飛下不  
數日拜西臺御史劇談錄

古今文集

古詩

鴛鴦篇

陳子昂

飛飛鴛鴦鳥舉翮相蔽屬俱來綠潭裏共向白雲涯音容相眷  
戀羽翮兩透迤蘋萍戲春渚靈露繞寒池浦沙連岸淨汀樹拂  
潭壺年年此遊翫歲歲來追隨鳳凰起丹穴獨向梧桐枝鴻鴈來  
紫塞空憶稻梁施鳥啼倦依託鶴鳴傷別離豈若此雙禽翻飛

不異林刷羽。清江浦。交頸紫山岑。文章食奇色。和鳴多好音。聞有鴛鴦綺。復有鴛鴦衾。特有美人贈。勗此故交心。

○鴛鴦篇

李德裕

君不見昔時同心人。化作鴛鴦鳥。和鳴一夕不暫離。交頸千年尚為少。二月草菲菲。山櫻花未稀。金塘風日好。何處不相依。既逢解佩游女。更值凌波宓妃。精光搖翠蓋。麗色映珠璣。雙影相伴。雙心莫違。淹留碧沙上。蕩漾洗紅衣。春光兮宛轉。嬉遊兮未反。宿莫近天泉池。飛莫近長洲苑。爾願歡愛不相忘。須去人間羅網遠。南有瀟湘洲。且為千里遊。洞庭無苦寒。沅江多碧流。昔為薄命妾。無日不含愁。今為水中鳥。頡頏自相求。洛陽女兒在青閣。二月羅衣輕更薄。金泥文彩未足珍。畫作鴛鴦始堪着。亦有少婦破瓜年。春閨無畔獨嬋娟。夜夜學織連枝錦。織作鴛鴦人共憐。悠悠湘水濱。清淺漾初蘋。昔花發艷無人識。江柳逶迤空自春。唯憐獨鶴依琴曲。更念孤鶩隱鏡塵。願作鴛鴦被。長覆有情人。

律詩

鴛鴦

吳融

翠翹紅頸覆金衣。灘上雙雙去又歸。長短死生無兩處。可憐黃鶩愛分飛。

鴛鴦

曹組 宋百家

蘋洲花嶼接江湖。頭白成雙得自如。春晚有時描一對。日長銷盡繡工夫。

鴛鴦

崔珏

翠鬣紅毛舞落暉水禽情似此禽稀暫分煙島猶回首祗過寒塘亦並飛映霧乍迷金殿瓦逐梭齊上玉人機採蓮無限蘭橈女笑指中流候尔歸

鴛鴦

皮日休

雙絲絹上為新樣連理枝頭是故園翠浪萬回同過影玉沙千處其棲浪若非足恨佳人鼻即是多情年少鬼應念孤飛爭忌宿蘆花蕭颯雨昏昏又鏡雕鏤費深功舞妓衣邊繡莫窮無日不來湘渚上有時還在鏡湖中煙濃共拂芭蕉雨浪細雙遊菡萏風應笑豪家鸚鵡年年徒被鎖全籠

鴛鴦

盧弼

雙浮雙浴傍苔磯蓼浦蘭皋繡悵悵長羨鴛鴦能潔白不隨鷓鴣閉毛衣霞侵綠渚香衾暖樓倚青雲殿瓦飛應笑隨陽沙漠鴈洞庭煙暖又思歸

律詩

係鷓鴣

鷓鴣

杜甫

故使籠寬織須知動損毛青雲莫惆悵失水任呼號六翮曾經剪孤飛卒未高且無鷹隼意留滯莫辭勞

鷓鴣

鷓鴣附

群書要語鷓鴣也名水鴉倉頡解詁江鷓一名海鷓在漲海中隨潮上下常以三月風至乃還洲嶼頗知風雲若群飛至岸必

風 南越志

**詩句** 泛渚白鷗輕 遠鷗浮水靜 江浦寒鷗戲 野鷗浮白

浪 鷗邊水葉開 鷗泛已春聲 春鷗懶避船 白鷗波浩

蕩萬里誰能馴 並杜 心靜海鷗知 李白 相親相近水中鷗 杜 惟

有白鷗盟未寒 江南野水碧於天 中有白鷗閑似我 並山谷

舍南舍北皆春水 但見群鷗日日来 杜

**鷗** 水鳥毛白而紫故謂之白鳥齊魯之間謂之春鋤青脚高尺

餘解指尾啄長三寸許頂上有毛十數枝毵然 詩疏 一名屬

玉似鷓鴣 三輔黃圖 振鷺于飛于彼西雝 周頌 振振鷺 同上

**鷺** 鉤簾宿鷺起 沙頭宿鷺連拳靜 又如雪點青山雲 並

杜 屬玉飛來水蒲塘 蘇養直 水遠山長雙屬玉身閑心苦一春

鋤山谷

**古今事實**

海翁狎鷗

海上之人好鷗者每日之海上從鷗鳥遊鷗鳥之至者百數而

不止其父曰吾聞鷗鳥皆從汝好取來吾翫之明日之海上鷗

鳥舞而不下 列子

鷺羽扇 係鷺

張融年弱冠同郡道士陸脩靜以白鷺羽扇遺之曰此異物奉

異人 南史

**古今文集**

古詩

白鷗

王介甫

江鷗好羽毛玉雪無塵垢滅沒波浪間生涯亦何有雄雌屢驚  
矯機弋常紛糾顧我獨無心相隨如得友飄然紛華地此物乖  
隔久白髮望東南春江綠如酒

律詩

鷗

杜甫

江浦寒鷗戲無他亦自饒却思翻玉羽隨意點春苗雪暗遷須  
落風生一任飄已群滄海上清影日蕭蕭

題韓魏公狎鷗亭

歐陽永叔

險夷一節如金石勲德俱高映古今豈止忘機鷗鳥信陶鈞萬  
物本無心

魏公得詩喜曰余在中書進退升黜未嘗置心於其間永

叔可謂知我 古今詩話

古詩 以下係鷗

白鷺兒

劉禹錫

白鷺兒最高格毛衣新成雪不敵衆禽喧呼獨凝寂孤眠芊芊  
草久立潺潺石前山正無雲飛去入遥碧

律詩

鷺鷥

張祐

深窺思不窮揭趾淺沙中一點山光淨孤飛潭影空暗棲松葉  
露雙下蓼花風好是滄波侶垂絲意亦同

謝紫微以畫鷺二軸為寄

梅聖俞

白鷺畫雙素粉毫幽趣多翹沙依折葦刷羽對衰荷浦思懸秋  
碧江清憶釣蓑因君遠相寄時詠到滄波

鷺鷥

鄭谷

閑立春塘煙澹澹靜眠寒葦雨颼颼漁翁歸後汀沙晚飛下灘  
頭更自由

鷺鷥

杜牧

霜衣雪髮青玉觜群捕魚兒溪影中驚飛遠映碧山去一樹梨  
花落晚風

鷺鷥

羅隱

斜陽淡淡柳陰陰風裊寒絲映水深不要向人誇潔白也知常  
有羨魚心

鷺鷥

歐陽永叔

風恪孤高塵外物性情閑淡水邊身盡日獨行溪淺處青苔白  
石見纖鱗

雙鷺

陶雍

雙鷺應憐水蒲池風飄不動頂垂絲立當青草人先見行傍白  
蓮魚未知一足獨拳寒雨裏數聲相伴早秋時林塘得尔須增  
價况是詩家物色宜

鷓鴣

群書要語

鷓鴣不生卯而孕雛於池澤間

異物志

倭國水多陸

少以小環挂鷓鴣項令入水捕魚取以充食

隋書

詩句 鷓鴣西日照曬翅蒲魚梁

古今事實

白鷓鴣

唐貞元十三年上以時雨未降幸興慶宮行雲祀忽有白鷓鴣群類翼從咸驚異之果大雨滂沱

古今文集

律詩

鷓鴣

杜荀鶴

一般毛羽結群飛兩岸煙江好景時深水有魚銜得出看來却是鷓鴣鷓

新編古今事文類聚後集卷之四十六

新編古今事文類聚後集卷之四十七

建安 祝穆 和父 編  
金陵 唐富春 子和 梓

入羽蟲部

鵝

羣書要語鵝一名野鴈江東人謂之鳴爾雅駕鵝野鵝也廣志

鵝善鬪好啖蛇古今注舒鴈翠尾內則鵝性頑而傲齊下

詩句 鵝兒黃似酒剉酒愛新鵝杜不教鵝鴨惱比鄰杜

古今事實

事文類聚後集

卷之四十七



食鵝出哇

陳仲子居於陵有饋其兄生鵝者已嘔感曰惡用是鵝鵝聲者為哉他日毋殺鵝食之其兄曰是鵝鶩之肉也出而哇之

寫經博鵝

晉王羲之性愛鵝會稽有姥養一鵝善鳴求市未能得遂携親友就觀姥聞羲之將至烹以待之羲之嘆惜彌日又山陰有道士好養鵝羲之往觀焉意甚悅固求市之道士云為寫道德經當舉群相贈耳羲之欣然寫畢籠鵝而去

求子鵝炙

劉毅家在京口酷貧嘗與鄉曲士大夫往東堂共射時庾悅為司徒右長史要府僚佐出東堂毅已先至遣與悅相聞曰身並貧躋營一遊甚難君如意人無處不可為適豈能以堂見讓悅不答時眾人並避惟毅留射如故悅厨饌甚盛不以及毅毅既不去悅甚不歡毅又相聞曰身今未得子鵝豈能以殘炙見惠悅又不答及毅貴奏解悅都督將軍官深相挫辱悅不得志疽發背少日而卒

鵝聽講經

淨影寺沙門慧遠講經初在鄉養一鵝常隨遠聽經及遠入京留在寺晝夜鳴噪不止僧徒送入京至此寺大門放之自然知遠房便入馴狎每聞講經即入堂伏聽若聞泛說他事則鳴翔而出如是六年忽哀叫庭宇不肯入堂二旬而遠卒寺內有遠碑亦述其事

兩京記

隻鵝送別

何遠為永康令人甚稱之太守王彬巡屬縣諸縣皆盛供帳以待焉至武康遠獨設糗水而已彬去遠送之拜斗酒隻鵝而別彬戲曰卿禮有過陸納將不為古人所笑乎南史

繫鵝求妾

庾信自建康遁歸江陵湘東王因賜妾徐氏妾與任揆私通揆欲求之無致言者信庭前有一蒼鵝乃繫書于鵝頸信視之乃揆啓遂題紙尾曰畜生乞汝三國典畧

食鵝知色

符朗食鵝知黑白之處不信既而試之果然秦記

啖鵝草詔

齊高帝引江淹入中書省先賜酒食淹素能飲啖食鵝炙垂盡飲酒數升文詔亦辯

木鵝達表

唐高祖義兵出河東隋將堯君素城守時圍甚急君素乃為木鵝置表於頸具論事勢浮之黃河下河陽守者得之達於東都越王侗見而嘆息

襲城驚鵝

唐元和間李愬襲蔡州兵至懸弧城夜半雪甚城旁有鵝鴨池愬令驚擊之以混軍聲

好鬪鵝

唐令孜傳僖宗好鬪鵝數幸六王宅與慶池與諸王鬪鵝一鵝

唐令孜傳僖宗好鬪鵝數幸六王宅與慶池與諸王鬪鵝一鵝

至十萬錢

鵝能警盜

東坡云鵝能警盜亦能却蛇且又有祈雨厄悲夫 志樺

古今文集

古詩

題畫鵝

黃魯直

駕鵝引頸回似我胷中字右軍數能來不為口腹事

律詩

得房公池鵝

杜甫

房相西亭鵝一群眠沙泛浦白於雲鳳凰池上應迴首為報籠

鵝王右軍

鵝

李商隱

眠沙卧水白成群曲岸斜陽極浦雲那得將心憐孔翠羈羈雌長

共故雄公

吳執中有兩鵝為余烹之戲贈

黃魯直

學書池上一雙鵝宛頸相追筆意多皆為涪翁赴湯鼎主人言

汝不能歌

世以婢子為鵝謂吳貴鴨而賤鵝也

鴨 鳧附

羣書要語 鳧鶩鴨也 廣雅 鴨一名舒鳧 爾雅 鶩野鳧也 說文家

曰鳧野曰鴨 李邕云 雞伏鴨卵雞成入水雞母隨岸呼之雛出

古文類聚後集 卷之四十七

而不隨毋鴨雞異類能相隨也風俗通 唼喋啄食禰禰帶雞李

豈聞鴨賦 鴨足何以取雞足何以斨傅子云

我衰寄江湖老伴雞鵝鴨 願為穿雲鶻笑作將雛鴨坡

拊掌動鄰里遠村捉鵝鴨曲池眠乳鴨

春草雞翹鳥翁濯顏 注鳥水鳥翁頸上有毛史游急就章鳥

得水藻言喜悅也後漢劉陶詠注 鳥脛雖短續之則悲莊子鳥

鷺在沙大雅 寧與騏驎抗軛乎將與雞鷺爭食乎寧昂昂若干

里之駒乎寧泛泛若水中之鳧與波上下而以全吾軀乎漁父

雙鳧飛不為加少解朝 鳧鴈常在海邊沙上食沙石皆消爛唯

金海蛤不消隨其糞出古今注 二鳧俱北飛一鳧獨南翔李陵 浴鳧翻雪羽杜牧 沙上鳧

雛傍母眠杜 相趣鳧鷗入漿牙杜 江心嘓嘓鳧雛鳴張籍 鳧雛

敬亂棹漚發杜

古今事實

作闔鴨欄

建昌侯孫慮於堂前作闔鴨欄頗施小巧陸遜正色曰君侯宜

勤覽經典用此何為慮即毀之吳志

斃鴨償金

陸龜蒙居震澤之南巨積莊有闔鴨一欄有驛使過挾彈斃其

尤者龜蒙手一表本云此鴨能作人語待附蘇州上進使者斃

之柰何使人恐酬以橐中金俟其稍悅方倩語之猶曰能呼其

名使人憤且笑拂袖上馬復召之還其金曰吾戲耳

雙鳥飛鳧 以下係鳧

王喬為葉令喬有神術每月朔旦常自縣詣臺朝帝恠其來數而不見車騎密令太史伺望之言其臨至輒有雙鳧從東南飛來於是候鳧至舉網張之但得一雙履乃詔尚方調視則曰所賜尚書官屐履

辯海鳧毛

人有得鳧鳥毛長三丈以示張華華見曰不然此謂海鳧毛也

出則天下亂 博物志

古詩

水鴨

司馬君實

離襖出短蒲毳毼浴清水物忌太鮮明何妨染泥滓

莫打鴨

梅聖俞

事見妓門

莫打鴨打鴨驚鴛鴦鴛鴦新向西池落不比孤洲老禿鷗禿鷗尚欲遠歸去何况鴛鴦羽翼長

詩話

評睡鴨詩

徐陵鴛鴦賦云山雞映水那相得孤鷺照影不成雙天下真成長會人無勝比翼兩鴛鴦黃魯直題畫睡鴨曰山雞照影還自愛孤鷺舞鏡不作雙天下真成長會人兩鳧相倚睡秋江全用徐語點化之未句尤精工 容齋隨筆

律詩 係鳥

鳧

李嶠

颯沓睢陽涘浮遊漢渚隈  
錢飛出井見鶴引入琴哀  
李陵賦詩 罷王嶠曳鳥來何當歸  
太液翔集動成雷

### 精衛

羣書要語有鳥如鳥文首白喙赤足名曰精衛 博物志

精衛填海

昔炎帝女溺死東海中化為精衛  
每銜西山木石以填東海而溺死也 述異記

### 古今文集

古詩

精衛詞

王建

精衛誰教爾填海海邊石子青磊磊  
但得海水作枯池海中魚龍何所為  
口穿豈為空銜石山中草木無全枝  
朝在樹頭暮海裏飛多羽折時墮水  
高山未盡海未平願我身死子還生

### 伯勞 梟附

羣書要語鴟伯勞也 爾雅 一名博勞 一名伯趙 廣雅 仲夏之月

鴟始鳴 月令 七月鳴鴟 爾雅

詩句東飛伯勞西飛燕 古樂府 南窓北窓桂月光 東飛伯勞歌

羣書要語

古今文集

卷之四十一

六

律詩

事文類聚後集 卷之四十一  
梟不孝鳥也至日捕梟磔之說文梟子大食其母淮南子注北  
方梟人家以為恠共惡之南中晝夜飛鳴與鳥鵲無異桂林人  
羅取生鬻之家二養使捕鼠以為勝狸嶺表錄異

古今事實

### 伯勞集李

東方朔與弟子階行渴令弟子扣道邊家求飲不知姓名主人  
開門不與須臾見伯勞飛集主人門中李樹上朔謂弟子曰此  
主人姓李名伯勞尔但呼李伯勞果有李伯應即入取飲別傳  
請禳梟恠以下係梟

齊景公為露寢之臺成有梟鳴甚惡之栢常騫曰請為禳之夜  
用寧明日問曰今日且聞梟鳴乎公曰一鳴而不復聞使人往視

之梟當陞布翼伏地而死說苑

### 諱言不孝

男子畢康殺其母詔焚燒其屍暴其罪於天下余上章言宣帝  
時公卿朝會丞相語曰聞梟生子長且食其母寧然有賢者應  
曰但聞烏子反哺耳丞相大慙君子之於鳥獸尚為之諱况人  
乎桓譚新論

### 梟鳴戰勝

晉張重華為石季龍所攻重華使謝又為中堅將軍引師出振  
武夜有二梟鳴牙中尅敵之兆於是進戰大破之

### 梟鳴改官

有梟鳴于張率更庭樹其妻以為不祥連唾之張聞之曰急酒

事文類聚後集 卷之四十七  
掃吾當改官言未畢賀者已在門 唐書

古今文集

雜著

惡鳥論 伯勞

魏陳王曹植

國人有以伯勞生獻者王召見之侍臣曰世間惡伯勞之聲敢問何謂也王曰昔尹吉甫用後妻之諛殺孝子伯奇吉甫後悟追傷伯奇出游于田見鳥鳴于桑其聲嗷然吉甫動心曰伯奇乎鳥乃撫翼其音尤切吉甫乃頤曰伯勞乎是吾子撫吾輿非吾子飛勿居鳥尋聲而栖其蓋歸入門集于井幹之上向室而號吉甫命後妻載弩射之遂射殺後妻以謝之故俗惡伯勞言所鳴之家必有凶也梟鳴之鳴弗可更者天性然也昔荆之梟

將巢於吳鳩遇之曰何去刑而巢吳乎梟曰荆人惡予之聲鳩曰子如不能草子之音則吳楚之民不易情也為子計者若宛頸戢翼終身勿復鳴也昔議朝會者有人問曰寧有聞梟食其母有答之者嘗聞鳥反哺未聞梟食其母聞者慙惡不善也得嗜者莫不馴而放之為利人也得蚤者莫不糜之齒牙為害身也鳥獸昆蟲猶以名聲見異况夫吉士之與凶人乎

鴟鴞

鴟 鴞 車載板  
鬼車並同 訓狐附

羣書要語 鴟鴞惡鳥也一名鴟 一名鴞 說文 鴟入人家凶賈

誼所賦鴟是也其肉甚美可為羹臠又可炙 詩疏 鴟胖人亦尚之 內則 翩彼飛鴟集于泮林食我桑椹懷我好音 魯頌 若簇氏



堂覆天鳥之巢周禮庭氏掌射國中之天鳥同上鴟鴞嗜鼠莊

鴟鴞即鴟也一名姑獲為爾雅可以聚諸鳥鴟鴞晝日目無所

見夜則飛撮蚊蚋鴟鴞乃鬼車之屬也皆夜飛晝藏或好拾人

爪甲則知吉凶凶者輒鳴於屋上知其將有咎耳故人除指甲

埋之戶內益忌此也亦名夜遊女好與嬰兒作祟故嬰兒之衣

不可置星露下畏其祟耳又名鬼車春夏之交稍遇陰晦則飛

鳴而過巔外尤多愛入人家鑿人魂氣或云常滴血血滴之家

則有凶咎太平廣記鴟鴞一名忌欺曰日不見人夜能拾蚤蝨雜志

五月七日多鬼車鳥度家家槌門打戶換狗耳滅燈燭禳

古今事實

鴟鴞毀室

鴟鴞周公救亂也成王未知周公之志公乃為詩以遺王名之

曰鴟鴞鴟鴞鴟鴞既取我子毋毀我室恩斯勤斯鬻子之閔斯

歌鴟寓諷

陳辯女者陳國采桑之女也曹大夫解居甫使於宋道過陳遇

采桑之女而戲之曰女為我歌吾將舍女乃為歌曰墓門有棘

斧以斯之夫也不良國人知之知而不已誰昔然矣又曰為我

歌其二女曰墓門有梅有鴟萃止夫也不良歌以訊之訊予不

顧顛倒思予大夫曰其梅則存其鴟安在女曰陳小國也攝乎

大國之間因之以饑饉加之以師旅其人且亡而况鴟乎大夫

乃服而釋之列女傳

好鴉多

王羲之好鴉多

使捕鴝鷁係鴝鷁

侯景入臺城在昭陽殿廊下居處常有鴝鷁鳥鳴呼景惡之使人窮山野捕焉南史

符奏鳥死

尹軌字公度人有恠鳥鳴其屋上者以語公度公度為一奏符着鳥鳴處其夕鳥伏符下神仙傳

古今集

古詩

病鴟

韓愈

屋東惡水溝有鴟墮鳴悲青泥墀兩翅拍拍不得離群童叫相召瓦礫爭先之計較生平事殺却理亦宜奪攘不愧恥飽滿盤天嬉晴日占光景高風送追隨擬凌鸞鳳群肯顧鴻鵠卑今者運命窮遭逢巧丸兒中汝要害處汝能不得施於吾乃何有不忍乘其危救汝將死命浴以清水池朝餐輟魚肉暝宿防狐狸自知無以致蒙德久猶疑飽入深竹叢饑來傍階基諒無責報心因以聽所為昨日有氣力飛跳弄藩籬今晨忽徑去曾不報我知倖倖非汝福天衢汝休窺京城事彈射豎子豈易欺勿諱泥坑辱泥坑乃良規

律詩

鴟

王介甫

喻小人不足道又有附之以顯者

依傍秋風氣象豪似欺黃雀在蓬蒿不知羽翼青冥上腐鼠相隨勢亦高

雜著係鵬

鵬鳥賦

賈誼

誼為長沙王傅三年有鵬鳥飛入誼舍止於坐隅似鴟不祥鳥也誼既以謫居長沙長沙卑濕誼自傷悼以為壽不得長乃為賦以自廣其辭曰

單闕之歲四月孟夏庚子日斜鵬集余舍止於坐隅貌甚閑暇異物來崒私恠其故發書占之讖言其度曰野鳥入室主人將去問於子鵬余去何之吉虛告我凶言其災淹速之度語余其

期鵬乃太息舉首奮翼口不能言請對以意萬物變化固無休息幹流而遷或推而還形氣轉續變化而嬗沕穆無間胡可勝言禍兮福所倚福兮禍所伏憂喜聚門吉凶同域彼吳疆大夫差以敗越棲會稽勾踐霸世斯遊遂成卒被五刑傳說胥靡乃相武丁夫禍之與福何異糾纏命不可測孰知其極水激則旱矢激則遠萬物回薄震盪相轉雲蒸雨降糾錯相紛大鈞播物坱圠無垠天不可預慮道不可與謀遲速有命鳥識其時且夫天地為爐造化為工陰陽為炭萬物為銅合散消息安有常則千變萬化未始有極忽然為人何足控揣化為異物又何足患小智自私賤彼貴我達人大觀物無不可貪夫徇財烈士徇名夸者死權品庶每生怵迫之徒或移西東大人不曲億變齊同

愚士繫俗僂若囚拘至人遺物獨與道俱衆人惑惑好惡積意  
真人恬漠獨與道息釋智遺形超然自喪寥廓忽荒與道翱翔  
乘流則逝得坎則止縱軀委命不私與已其生兮若浮其死兮  
若休澹虛若深淵之靜泛虛若不繫之舟不以生故自寶養空  
而游德人無累知命不憂細故芥蒂何足以疑

古詩

係鬼車

車載板

即鬼車不祥鳥也

王介甫

荒哉我中國珍菓所不產朝暮惟有鳥自呼車載板楚人聞此  
聲莫有笑而完而我更歌呼與之相往返視遇若搏黍好音而  
晚曉壤壤生死夢久知無可揀物弊則歸土吾歸其不晚歸歟  
汝隨我可相高里挽

鳥有車載板朝暮常一至世傳鵬似鴉而此與鴉似唯能預人  
死以有此名字疑即賈長沙當時所遭值洛陽多少年擾擾經  
世意粗聞方外語便釋形骸累吾衰久捐書放浪無復事尚自  
不見我安知汝爲異憐汝好毛羽言音亦清麗胡爲太多知不  
默而見忌楚人既憎汝彈射將汝利且長隨我遊吾不汝羨哉

鬼車

梅聖俞

嘉祐六年秋九月二十有八日天愁無光月不出浮雲蔽天衆  
星沒舉手向空如抹漆天昏地黑有一物不見其形但聞其聲  
其初切切淒淒或高或低乍似玉女調玉笙衆管參差而不齊  
既而咿咿啾啾若軋若抽又如百兩江州車回輪轉軸聲啞嘔  
鳴機夜織錦江上群鴈驚起蘆花洲吾謂此何聲初莫窮端由

老婢撲燈呼兒曹云此恠鳥無匹儔其名爲鬼車夜載百鬼凌  
空遊其身雖小聲甚大翅如車輪排十頭凡鳥有一口其鳴已  
啾啾此鳥十頭有十口十口插一舌連一喉一口出一聲千聲  
百響更相訓昔時周公居東周厭聞此鳥憎若讎夜呼庭氏率  
其屬彎弧俾逐出九州射之三發不能中天遣天狗從空投自  
從狗齧一齒落斷頭至今清血流邇來相距三千秋晝藏夜出  
如鷓鴣每逢陰黑天外過乍見火光驚輒墮有時餘血下點汚  
鳥處所遭之家家必破我聞此語驚且疑反祝疾飛無我禍我  
思天地何茫茫百物巨細理莫詳吉凶在人不在物一蛇兩頭  
反爲祥却思老婢炷燈火卷簾開戶清華堂須臾雲散衆星出  
夜靜皎月流清光

古詩係訓狐

射訓狐

韓愈

有鳥夜飛名訓狐矜凶挾狡誇自呼乘時陰黑止我屋聲勢慄  
慨非常麓安然大唳誰畏忌造作百恠非無須聚鬼徵妖自朋  
扇擺掉栢角頰墜塗慈母抱兒怕入席那暇更護雞窠雛我念  
乾坤德泰大卯此惡物常勤渠縱之豈卽遽有害斗柄行楛西  
南隅誰謂亭姦計尤劇意欲唐突羲和鳥侵更歷漏意彌厲何  
由僥倖休須臾咨余徃射豈得已候汝兩眼張盱眙臬驚墮梁  
蛇走竇一失斬頸群離枯

衆禽

羣書要語希有鳥崑崙山有鳥名希有張左翼覆東王公右翼覆西王母神異經

比翼鳥南方有鳥不比不飛其名兼兼一目一翼相得乃飛雅

木客鳥大如鵲數千百頭為群飛有度不與眾鳥相廁異物志

鵠一名鵠澤尔雅水鳥也大喙長尺餘領下大如數斗囊若

水水有魚能抑水滿其領含水竭盡魚在地乃共食之故曰淘

河詩疏

思歸鳥狀如鳩而慘色三月則鳴其音云不如歸去陶岳零陵

事實

青鳥先集

武帝七月七日於承華殿齋忽有青鳥從西方來集殿前上問

東方朔朔曰此西王母欲來也有頃王母至漢武故事

鵠雀銜鱸

後漢楊震字伯起年五十始應州郡辟眾人謂之晚暮夜有鵠雀銜三鱸魚飛集講堂前都講取魚進曰蛇鱸者卿大夫服之象也數三者法三台也先生自此升矣

古今文集

古詩

鷓鴣吟

劉禹錫

朝陽有飛鳳不聞千萬祀鷓鴣惟眾芳畏聞先入耳秋風白露晞從是爾啼時如何上春日唧唧蒲庭飛

四禽言

梅堯臣

喜文類聚後集

卷之四十一

十一

德詩堂刊

泥滑滑苦竹岡。雨蕭蕭。馬上即。馬蹄凌兢。雨又急。此鳥為君應斷腸。

婆餅焦。兒不食。爾父向何之。爾毋山頭化為石。山頭化石可柰何。遂作微禽啼不息。

提葫蘆。沽美酒。風為賓。樹為友。山花撩亂。目前開。勸爾今朝千萬壽。

不如歸去。春山雲暮。萬木兮參天。蜀天兮何處。人言有翼可歸飛。安用空啼向高樹。

五禽言

蘇子瞻

使君向蘄州。更唱蘄州鬼。我不識使君。寧知使君死。人生作鬼會不免。使君已老知何晚。

王夫之自黃移蘄州。聞啼鳥問其名。或對曰。此名蘄州鬼。元之大惡之果。卒於蘄。

南山昨夜雨。西溪不可渡。溪邊布穀。思勸我脫布袴。不離脫袴。溪水寒水中。照見催租廩。

去年麥不熟。挾彈規我肉。今年麥上場。處處有殘粟。豐年無象。何處尋。聽取松間快活吟。

力作力作蠶。絲一百箔。壠上麥頭昂。林間桑子落。願儂一箔千兩。絲繅絲得。蠅飼爾雛。

姑惡姑惡。姑不惡。妾命薄。君不見東海孝婦死。作三年。乾不如漢龐姑。去却復還。

戲和答禽語

黃魯直

南村北村雨一犁新婦餉姑翁哺兒田中啼鳥自四時催人脫  
袴着新衣着新替舊亦不惡去年租重無袴着

五禽言和王仲衡尚書

朱元晦

提葫蘆沽美酒春風浩蕩吹花柳不用沙頭雙玉瓶鳥歌蝶舞  
爲君壽祇今一醉是君恩昨日之愁愁殺人

不如歸去孤城越絕三春暮故山只在白雲間望極雲深不知  
處不如歸去不如歸去千仞岡頭一振衣

泥滑滑泥滑滑秦望雲荒鏡湖闊綠秧刺水水拍堤牙旗盡舸  
凌風發使君行樂三江頭泥滑水深君莫憂

脫袴脫袴桑葉陰陰下路回頭忽憶舍中妻去年已逐他人  
去舊袴脫了却不辭新袴知教阿誰做

麥熟吟  
去年種麥有德音祇今種熟誰快活種者已卧官墻陰  
仁公有政惠存歿肯使催租更隳突

次向和卿韻

黃魯直

雪泥滑滑封山郭提壺勸姑亦不惡林中解道不如歸家人應  
念思歸樂

律詩

和思歸

白居易

山中不栖鳥夜半聲嚶嚶似道思歸樂行人掩泣聽

絕句

韓愈

喚起窻全曙催歸日未西無心花裏鳥更與盡情啼

畫眉鳥

歐陽永叔



百轉千聲隨意移山花紅紫樹高低始知鎖向金籠聽不及林間自在啼

聞竹雞

楊廷秀

山行三日厭泥行幸自今晨得一晴又聽數聲泥滑滑情知浪語也心驚

白頭公

魏野

有何辛苦有何愁箇箇林間盡白頭細葉果巢花影暖微虫共食竹陰秋清音豈許黃鶯伏素羽曾教白鷺差唯爾鬢毛應似我相逢不用話因由

新編古今事文類聚後集卷之四十七終

新編古今事文類聚後集卷之四十八

建安

祝穆

和父

編

金陵

唐富春

子和

梓

蟲豸部

蜜蜂

衆蜂附

羣書要語有蜜謂之壺蜂

方言

玄蜂若壺

楚辭

蜂有兩衙應潮

埤雅

薦薦華華雖無官職一日兩衙

見覆射

繁布金房疊構玉

宇咀嚼華滋釀以為蜜散似甘露凝如割肪冰鮮玉潤髓滑蘭

香郭璞賦

凡蜂作蜜皆須人小便以釀諸花乃得成熟狀似作

飴須葉也本草

**詩句**花暖蜜蜂喧 天寒割蜜脾 柱穿蜂溜蜜 並杜 可憐採

花蜂清蜜寄兩股 坡 蜜蜂為主各磨牙 咬盡村中萬樹花 孟郊

花底山蜂遠趁人 杜 遊蜂多思正經營 韓 黃蜂衙退海潮上 錢

伯高 稚蜂趨衙供蜜課 山谷

**衆蜂**土蜂大在土中作房子可啖木蜂小在樹上作房 爾雅 莫

予并蜂自求辛螯 周頌 蜂蠆有毒 左傳 蜂蠆垂芒 孝經援神記

蜂有攻寡之義 抱朴子 猛獸在田荷戈而出凡人能之蜂蠆在

於懷袖勇夫為之驚駭 晉鄒湛傳 人能搏猛獸而不能無變色

於蜂蠆 坡文

**事實**

收養蜜蜂

遠方諸山郡僻處出蜜蠟所著皆絕岩石壁非攀緣所及唯於山頂以檻舉自懸挂下遂乃得取其處人家有養蜂者其法以木為器成十斛五斛開小孔令縫容蜂出入以蜜蠟塗器內令遍安着簷前或庭下春月此蜂分窠時來過人家園垣者捕取得三兩頭便內語器中數宿出蜂飛去尋將伴來還或多或少終日漸益不可復數遂得往往來器中所滋長甚衆 博物志

稷蜂不蕪 以下係衆蜂

稷蜂不蕪社鼠不燠非以稷蜂社鼠之神也其所託者然也 韓

詩外傳

假蜂進讒 見後母門

蜂集不祥

豫章嚴豐字孟侯爲郡主簿太守賈萌舉兵欲誅王莽有飛蜂附萌車衡豐諫以爲不祥之徵萌不從果見殺謝丞後漢書

仙翁吐蜂

葛仙翁與客對食客曰食畢當先作一奇戲食未竟仙翁曰諸公欲無得見乎即吐口中飯盡成飛蜂滿屋或集客身莫不震肅但自不螫人耳良久仙翁乃張口見蜂皆飛還入口中成飯食之別傳

蜂鑽窠紙

神瓚禪師見蜂子投窠紙求出師曰世界如許廣闊不肯出鑽它故紙傳燈錄

俗啖蜂兒

唐劉恂曾遊宣歙間見彼眾人好食蜂兒狀如蠶蛹而潔瑩白大蜂結房於山林間其大如巨鍾其中不知幾百層村人採時須以草衣蔽身以捍毒螫復以煙火逼散蜂母然後攀援崖樹斷其根一房有蜂兒五斗或一石三分之一翅足具矣即入鹽酪炒之曝乾以小紙囊貯之寄入京洛以爲方物嶺表錄異

古今文集

雜著

記蜂

王元之

商於兔和寺多蜂寺僧爲予言之事甚具予因問蜂之有王其狀何若曰其色青蒼差大于常蜂耳問胡以服其衆曰王無毒不識其它問王之所處曰窠之如營必造一臺其大如粟俗謂

之王臺王居其上且生子其中或三或五不常其數王之子盡復爲王矣歲分其族而去山毗患蜂之分也以棘刺關于王臺則王之子盡死而蜂不析矣又曰蜂之分也或團如罌或鋪如扇擁其王而去王之所在蜂不敢螫失其王則潰亂不可嚮邇凡取其蜜不可多多則蜂饑而不蕃又不可少少則蜂惰而不作予愛其王之無毒似以德而王者又愛其王之子盡復爲王似一姓一君上下有定分者也又愛其王之所在蜂不敢螫似法令之明也又愛其取之得中似什一而稅也至于刺王之臺使絕其息不仁之甚矣故總而記云

古詩

採蠟一章

顧况

採蠟怨奢也荒岩之間有以續家其身腰騰造險及有群蜂肆毒哀呼不應則上捨藤而下沈壑

採採者蠟于泉石兮煌煌中堂列華燭兮新歌善舞弦柱促兮荒岩之人自取其毒兮

蜜

楊庭秀

燕銜芹根泥蜂掇花上藻帶雨兩股飛所取日能幾調和露與英凝其滑於髓天寒百蟲蟄割房霜在已燕已成雛歸蜂憂凍餒死乃見萬物心多爲造化使

妝蜜蜂

蘇子由

空中蜂隊如車輪中有王子蜂中尊分房減口未有處野老解與蜂語言前人傳蜜延客住後人秉艾催客奔布囊包裹開如

市舍入竹屋新具完小窓出入旋知路幽圃首夏花正繁相逢處處命儔侶共入新宅長子孫今年活計知尚淺蜜蠟未暇分主人明年少割助和藥慙愧野老知利源

蜜酒歌 并序

蘇子瞻

西蜀道士楊世昌善作蜜酒絕醇釀余得其法作此歌遺之

真珠爲漿玉爲醴六月田夫汗流泚不如春甕自生香蠟爲耕耘花作米一日小沸魚吐沫二日眩轉清光活三日開甕香滿城快瀉銀餅不須湔百錢一斗濃無聲甘露微濁醴醴清君不見南國採花蜂似雨天教釀酒醉先生先生年來窮到骨問人乞米何曾得世間萬事直悠悠蜜蜂大勝監河侯

和子瞻蜜酒

蘇子由

蜂王舉家千萬口黃蠟爲糧蜜爲酒口銜澗水拾花鬚沮如蒲房何不有山中醉飽誰得知割腴分蜜曾無遺調和知與酒同法試投麴蘖誠相宜城中禁酒如禁盜三百青銅愁杜老先生年來無俸錢一斗徑須囊一倒舖糟不聽漁父言煉蜜深愧仙人傳掉頭不問辟穀藥忍饑不如長醉眠

蜂兒

楊庭秀

蜜蜂不食人間倉玉露爲酒花爲糧作蜜不忙採花忙蜜成猶帶百花香蜜成萬蜂不敢嘗要輸蜜國供蜂王蜂王未及享人已割蜜房老饕吏來搜我室老蜂無味祇有滓平幼蜂初化未成兒老饕火攻不知止旣入我室取我子

蠅蛉

螺羸附

羸書要語蠅蛉似步屈桑上小青蟲也詩疏尺蠖又呼步屈訪

螺羸蒲盧也注俗呼蠓蠃音咽蠃爾雅似蜂而細腰詩疏

古人事實

羸祝蠅蛉

蠅蛉之子殪而逢螺羸祝之曰類我類我久則肖之矣楊子

政者蒲盧係螺羸見官政門

古今文集

雜著

蠅蛉賦

歐陽永叔

爰有桑中實曰蠅蛉與夫螺羸異類殊形負以為子祝之以聲其子感之朝夕而成嗟夫人子父母所生父祝之聲子莫之聽父傳之業子莫克成父歿母死身覆位傾嗚呼為人孰與虫靈人不如虫曷以人稱

嘗觀螺羸所負不但蠅蛉或取蟾子磔而斃之因產一小卵於其上俟其卵化而成形漸食所負之虫久乃寢大生翼飛去古人精於物理類我之說或他有所據耶余因編入此部聊記于此以俟博物君子考焉

蝴蝶

羸書要語蛺蝶一名野鵝一名風蝶江東謂之撻末色白背青

者是也其大如蝙蝠或黑色或青班名曰鳳子一名鳳車一名鬼車生江南橘樹間 古今注 橘之蠹為蝴蝶 陸龜蒙蠹化篇

**詩句** 沙晚低風蝶 風蝶勤依漿 風輕粉蝶喜 並杜 揚揚弄

芳蝶 韓 娟娟戲蝶過閑慢 留連戲蝶時時見 穿花蛺蝶深

深見 並杜 身似何郎全傅粉心同韓壽暗偷香 謝無逸

**古今事實**

夢為蝴蝶

昔莊周夢為蝴蝶翩翩然蝴蝶不知周也俄然覺則遽然周也不知周之夢為蝴蝶蝴蝶之為周周與蝴蝶必有分矣此謂物化 莊子

蝴蝶輕薄

北齊魏牧嘗在洛京輕薄尤甚人號為驚蛺蝶

翅有金眼

衛公得峽中蝴蝶翅闊四寸餘深褐色每翅上有二金眼 雜俎

畫撲蝶圖

周昉有畫撲蝶圖一卷 藝文志

**古今文集**

古詩

鬼蝶

蘇子瞻

雙眉卷鐵絲兩翅暈金碧初來花爭妍忽去鬼無迹

律詩

六言

黃魯直





為蟬生兩翼王克論衡其殼曰蛻本草蟬無口而鳴淮南子蟻

食而不飲蟬飲而不食同上仲夏之月蟬始鳴季夏之月寒蟬

鳴月令范則冠而蟬有綏禮記綏謂蜩喙長在腹下禮記五月鳴

蜩七月如蜩如蟬蕩詩鳴蜩噤噤小弁

鳴蟬厲寒音潘岳夕響鳴山郭常應物落日鳴蟬蜩 森

木亂啼蟬抱葉寒蟬靜杜驚蟬移別柳唐詩蟬噪林逾靜王維

蟬曳殘聲過別枝唐詩涼夜偏棲桐葉露曙天靜噪柳枝風韓

寒蠶翔水

文子曰飛鳥及鄉兔及歸窟狐死首丘寒蠶也翔水各依所生

蜩笑鵬飛見鵬門

蟬鳴齊女

牛亨問董仲舒曰蟬名齊女何故答曰昔齊王之后怨王而死

屍變為蟬登庭樹噫咲而鳴王悔恨之故名齊女崔豹古今注

漢宮金蟬

應邵漢官儀曰侍中金蟬左貂金取剛百煉不耗蟬居高飲而

口在腋下貂內勁而外溫

蟬有捕蟬見黃雀門

蟬有五德

陸雲曰昔人稱雞有五德至於寒蟬才齊其美而莫斯述夫頭

上有綏則其文也含氣飲露則其清也黍稷不享則其廉也處

不巢居則其儉也應候守節則其信也寒蟬賦序

飛蟬集冠

梁朱异為通事舍人後除中書郎時秋日始拜有飛蟬正集异冠上時咸謂蟬珥之兆

古今文集

雜著

蟬賦

魏曹植

惟夫蟬之清潔潛厥類於太陰在炎陽之仲夏兮始游豫乎芳林實淡泊而寡慾兮獨怡樂而長吟聲噉噉而彌厲兮似貞士而介心內含和而弗食兮與衆物而無求棲喬枝而仰首兮漱朝露之清流隱柔桑之稠葉兮快啁號以遁暑苦黃雀之作害兮患蟪蛄之勁斧飄高翔而遠託兮毒蛭蛛之網罟欲降身而

卑窳兮俱草虫之襲予免衆艱而弗獲兮遙遷集乎宮宇依名果之茂蔭兮託修幹以靜處有翩翩之佼童兮步容與於園囿體離朱之脫視兮姿才捷於猴猿條罔葉而不挽兮樹無幹而不緣翳輕軀而奮迅兮跪側足以自關恐此身之驚駭兮精曾睨而目連恠柔竿之冉冉兮還微粘而我纏欲翻飛而逾滯兮知性命之長捐亂曰詩嘆鳴啁聲噫噫兮盛陽則求太陰逝兮皎皎貞素侔夷惠兮帝臣是戴尚其潔兮

黏蟬賦

并序

晉傅咸

櫻桃為樹則多陰為果則先熟有蟬鳴焉聊命黏取退惟當蟬之得意於斯樹不知黏之將至亦猶人之得於富貴而不虞禍之將來也

有嘉果之珍樹蔚弘覆於我庭在赫赫之隆暑獨肅肅而自清  
遂寓目以周覽見鳴啁於纖枝翳翠葉以長吟信厥樂之在茲  
苟得意於所歡曾往粘而莫知匪爾命之適薄坐偷安而忘危  
嗟悠悠之耽寵請茲覽以自規

鳴蟬賦

歐陽永叔

嘉祐元年夏大雨水奉詔祈晴于醴泉宮聞鳴蟬有感而賦云  
肅祠庭以祗事方瞻玉宇之崢嶸收視聽以清慮兮齋予心以  
薦誠因以靜而觀動兮見乎萬物之情於時朝雨驟止微風不  
興四無雲以青天雷隱隱其餘聲乃席芳葍臨華軒古木數枝  
空庭草間爰有一物鳴于樹顛引清風以長嘯抱纖柯而未歡  
噫噫非管泠泠若弦裂方號而復咽淒欲斷而還連吐孤韻以

難律含五音之自然吾不知其何物其名曰蟬豈非因物造形  
能變化者耶出自糞壤慕清虛者耶凌風高飛知所止者耶嘉  
木茂樹喜清陰者耶呼吸風露能尸解者耶綽約雙鬢出嬋娟  
者耶其爲聲也不樂不哀非宮非徵胡然而鳴亦胡然而止何  
嘗悲夫萬物莫不好鳴若乃四時代謝百鳴嚶兮一氣候至百  
虫鳴兮嬌兒姹女語鸝鷓兮鳴機絡繹響蟋蟀兮轉喉弄舌誠  
可愛兮引腹動股豈勉強而爲之兮至於汚池濁水得雨而聒  
兮飲泉食土長夜而歌兮彼蝦蟆固若有欲而蚯蚓又何求兮  
其餘大小萬物不可悉名各有氣類隨其物形不知自止有若  
爭能忽時變以物變咸漠然而無聲嗚呼達士所齊萬物一類  
人於其間所以爲貴蓋已巧其語言又能傳於文字是以窮彼

思慮耗其血氣或吟哦其窮愁或發揚其志意雖共盡於萬物  
乃長鳴於百世予亦安知其然哉聊為樂以自喜方將考得失  
較同異俄而陰雲復興雷電俱擊大雨既作蟬聲遂息

朱文公曰賦須是縝密盛得水任歐公蟬賦其名曰蟬這  
數句也無味 朱子語錄

古詩

蟬

蘇子瞻

蛻形污濁中羽翼便翾好秋來間可閑已抱寒莖稿

蟬

梁褚雲

避雀喬枝裏飛空華殿曲天寒響屐嘶日暮聲逾速繁吟如欲  
盡長韻還相續飲露非表清輕身易知足

春蟬

元稹

我自東歸日厭苦春鳩聲作詩憐化工不遣春蟬生及來商山  
道山深氣不平春秋兩相似虫豸百種鳴風松不成韻蜩螗如  
沸羨豈無朝陽鳳羞與微物爭安得天上雨奔渾河海傾蕩條  
及時氣然後好清風

律詩

蟬

方干

細聲頻斷續審聽亦難分鬢鬢應移處從容却不聞蘭樓朝咽  
露樹隱暝吟雲若遣鄉愁起吾懷只是君

聽蟬

楊廷秀

一隻初來報早秋又添一隻說新愁兩蟬對語雙垂柳知鬪先

休闔後休一殼空空紙樣輕風前却有許多聲叫來叫去渾無事叫到詩人白髮生說露談風有典章詠秋吟夏入官商蟬聲無一些煩惱自是愁人枉斷腸

### 蜚蜚

螳螂附

羣書要語 蜚蜚螳螂也 注 黑甲虫噉糞者也 尔雅

蟬 蟬有斧蟲一名蟪蛄 尔雅 仲夏之月蟬生 注 蟪蛄母也 記

月令

### 古今事賞

#### 螳螂轉丸

莊子曰 蜷蜷之智在於轉丸 蜷蜷能以土包糞轉成丸

#### 螳螂捕蟬

莊子曰 莊周游於雕陵之樊 覩一異鵲自南方來者 執彈而留之 留伺其便 覩一蟬方得美蔭而忘其身 螳螂執翳且搏之 見得而忘其形 異鵲從而利之 見利而忘其真 莊周惕然曰 噫 物固相累 二類相召也 捐彈而反走 二說見黃雀門

#### 怒臂當車

齊莊公出獵 有螳螂舉足將搏其輪 問其御曰 此何虫 對曰 此螳螂也 為蟲知進而不知退 不量力而輕就敵 公曰 此為天下勇士矣 迴車避之 勇士歸焉 淮南子

### 古今文集

#### 古詩

蠅娘

蘇子瞻

洪鍾起暗室飄瓦落空庭誰言轉丸手能作殷牀聲

# 促織

羣書要語莎雞一名促織一名絡緯一名蟋蟀古今注蟋蟀蝥

也不雅季夏之月蟋蟀居壁月令六月莎雞振羽七月在野八

月在宇九月在戶十月蟋蟀入我牀下七月蟋蟀在堂歲聿其

暮國風里語曰促織鳴懶婦驚詩疏風戾戾而動柯露零零而

隕樹月轉景而西頽漢回波而東注厲清響於長宵激悲聲以

迄曙盧洪蟋蟀賦王褒頌滲容與而獨倚兮蟋蟀

鳴於西堂楚辭

**詩句**促織鳴東壁選蟋蟀依桑野選客愁連蟋蟀杜蟋蟀近中

堂杜蟋蟀鳴床帷杜蟋蟀甚微細哀鳴何動人杜幽嚮世潛春

**古今事實**閑

**古今文集**

雜著

放促織賦

楊廷秀

楊子朝食既徹步而圃嬉遙見一二稚子集乎遠華之堂環焉其若圍俯焉其若窺躡焉其若追也楊子趨而往視之蓋促織之始生而尚微墮地而未能飛者也嘉遜而不市故高步而不卑辟穀而不飪故癯貌而不肥既蚱蟴其修髯亦翡翠其薄衣彼其臂短而脛甚長是故將進而趨翹翹立而狐危也楊子笑

謂稚子曰汝豈識之乎是固夫霜淒露感而恤締征人之裳者  
歟身勤心苦而提耳女工之荒者歟晝闋宵喧自基而徂堂者  
歟多言強聒身隱而聲彰者歟若悲若怨若憤若歎而吟嘯秋  
夕之清長者歟奚失據於幽茂而陔身於躡藉若是其切且孱  
也乃命穉子藉以羽扇遷之叢間見密葉其躍如曝冬日其欣  
然穉子反命曰是虫也若子產之魚圉圉焉洋洋焉矣使穉子  
反視之至則行矣

古詩

促織

蘇子瞻

月叢號耿耿露葉泣搏七夜堂不自暖那憂公子寒  
律詩

促織

杜甫

促織甚微細哀音何動人草根吟不穩床下夜相親久客得無  
淚放妻難及晨悲絲與急管感激異天真

促織

楊廷秀

一聲能遣一人愁終夕聲聲曉未休不辭繅絲替人織強來出  
口促衣裘

螢

羣書要語螢火一名暉夜一名燐一名丹良一名丹鳥夜光一  
名霄燭腐草爲之食古今注一名夜照一名熠燿王氏本草夏

小正曰丹鳥蓋白鳥丹鳥者謂丹良也白鳥者謂蚊蚋也其謂

之鳥者重其養也凡有翼者為鳥蓋也羞者進也大戴禮季夏

之月腐草為螢月令熠燿宵行東山類君子之有道入暗室而

不欺同至人之無迹懷明義以應時駱賓王賦

詩句暗飛螢自照林螢光拂夕流帝應物螢鑿綠帷徹杜日暮

拾流螢杜騰空類星隕拂木若花生梁簡文帝風亂池上螢露

光竹間月李嶷

**古今事實**

佩螢火丸

務成子螢火丸方云漢武威太守劉子南從道士尹公授其方  
合而佩之求平中於武威北界遇虜戰敗為寇所圍矢下如雨  
未至子南馬數尺矢輒墮地終不能中傷虜以為神人乃解圍

去神仙感應篇

囊螢照書

車胤字武子家貧無燈火以緝囊盛螢火以照書夜讀

聚螢夜放

隋煬帝太業末天下已益起帝於景華宮徵求螢火數斛夜出  
遊山如放火光徧岩谷

**古今文集**

雜著

螢賦并序

晉傅咸

余曾獨處夜不能寐顧見螢火遂有感於是執以自炤而為之  
賦其辭曰



潛空館之寂寂兮。意遙遙而靡寧。夜耿耿而不寐兮。憂悄悄而多傷。哀斯火之煙滅兮。近腐草而化生。感詩人之攸懷兮。覽熠燿於前庭。不以姿質之鄙薄兮。欲增輝乎太清。雖無補於日月兮。期自照於陋形。當朝陽而戢景兮。必霄昧而是征。進不競於天光兮。退在晦而能明。諒有似於賢臣兮。於疎外而盡誠。蓋物小而論大兮。固作者之所旌。假乃光而喻爾職兮。庶有表乎潔貞。

古詩

秋螢引

劉禹錫

漢陵秦苑遙蒼蒼。陳根腐葉秋螢光。夜空寂寥金氣靜。千門九陌飛悠揚。紛綸輝映互明滅。金爐星噴燈花發。露華洗濯清風吹。攢萌不定招搖垂。高麗孳息過珠網。斜歷璇題舞羅幌。曝衣樓上拂香裙。承露臺前轉仙掌。槐市諸生夜對書。北窓分明辯魯魚。行子東山起征思。中郎騎省悲秋氣。銅雀人歸自入簾。長門帳開來照淚。誰言向悔常自明。童子走捕嬌女爭。天生有光非自衒。遠近低昂暗中見。撮蚊妖鳥亦夜啼。飛趨如車輪人不見。

螢火

陳去非

翩翩飛蛾撲明燭。見烹膏油罪莫贖。嘉爾螢火不自欺。草間相照光煜煜。却馬已錄仙人方。映書曾登君子堂。不畏月明見陋質。但畏風雨難為光。

律詩

見螢火

杜甫

巫山秋夜螢火飛。簾疎巧入坐人衣。忽驚屋裏琴書冷。復亂簷

前星宿稀却繞井欄添个个偶經花葉弄輝輝滄江白髮愁看  
汝來歲如今歸未歸

螢

梁元帝

着人疑不熱集草訝無煙到來燈下暗翻在雨中然

螢火

杜甫

幸因腐草出敢近大陽飛未足臨書卷時能點客衣隨風隔幔  
小帶雨傍林微十月清霜重飄零何處歸

次韻螢火

陳無已

年侵觀物化共被歲時催熠熠孤光動翩翩度水來雖能穿幔  
入已復受風回投卷吾衰矣微吟于壯哉

螢

羅鄴

冰殿清秋玉戶開飛光千點去還來無風無月長門夜頻到堦  
前點綠苔徘徊無燭冷無煙秋迳莎庭入夜天休向書窓來照  
字近來紅蠟蒲歌筵

新編古今事文類聚後集卷之四十八終

事文類聚後集

卷之四十八

四十八

德壽堂

字張來王融燕海軍

無顯赫者非所無顯今無顯赫豈與人齊夫於同書察未明  
米熟散於王氣開飛火干輝去豈來無風也且其門亦不

新編古今事文類聚後集卷之四十九

建安

祝穆

和父

編

金陵

唐富春

子和

梓

蟲豸部

蟻

羣書要語大螳俗呼為馬蚍蜉小螳齊人呼為蟻蚌飛螳有翅

其子蚍爾雅蟻為玄駒大戴禮注牛亨問蟻為玄駒者

何答曰河內人見馬數十萬騎皆大如黍米遨遊往來從朝至

暮家人以火燒之人皆成蚊蚋馬皆成大蟻故今人呼蚊蚋曰

黍民蟻曰玄駒古今注有黑黃大小數種之蟻廣志饋食其豆

屬也蛤子蟻益周禮蟻子時術之也蟻蚍蜉也微虫爾時術其功

巧大垤也學記南方赤蟻若象楚辭蟻慕羶莊子道在螻蟻上

千夫之堤以蟻穴而壞韓子蟻封穴戶大雨將集焦贛易林蟻

有兼弱之智抱朴子鯨鯉吐舌蟻附之因吞之又開鱗甲使蟻

入其中乃奮迅則舐取之楊孚異物志

**詩句**行蟻上枯梨杜蟻壤漏成河鮑明遠白蟻戰酣山雨來錢

**古今事實**

蟻壤得泉

齊威公伐孤竹山中無水隰朋曰蟻冬居山之陽夏居山之陰蟻壤寸而有水乃掘地遂得水韓子

群蟻觀鰲見鰲河

殺蟻得禍

桓謙字敬祖太元中忽有人皆長寸餘悉被鎧持槩緣机登竈尋飲食之所或有切肉以槩刺取徑入穴蔣山道士朱應子以沸湯澆所入處寂不復出因掘之有斛許大蟻死在穴中謙後以門釁固滅劉敬叔異苑

牀下蟻鬪見耳門

救蟻得報

董昭之過江見蟻胷一短蘆昭之救之後繫獄蟻頰群蟻穴獄昭之遂得免東陽元凝齊諧記

黑赤交鬪

後魏顯宗時兗州有黑蟻與赤蟻交鬪長六十步廣四寸赤蟻

斷頭而死東魏孝靜時鄴下有黃蟻與黑蟻鬪

五行紀

皇帝避蟻

哲宗朝程頤為崇政殿說書頤聞 帝在宮中盥而避蟻因畢講請曰有是乎 上曰然誠恐傷之耳頤曰推此心以及四海帝王之要道也 上稱善

編竹渡蟻

二宋少時有胡僧曰小宋它日魁天下大宋亦不失甲科後十年僧驚問大宋曰公丰神頓異如能活數千萬人之命者試思之宋曰堂下比有蟻穴為暴雨所侵群蟻繚繞穴傍吾戲編竹橋以渡之耳僧曰是也小宋今年首捷公終不出其下比唱第小宋果中魁選章聖臨朝謂弟不可先乃以大宋為第一

恐踐行蟻

徐節孝先生自少戒殺見聚蟻惕然惟恐踐之

行狀

古今文集

雜著

蚍蜉賦 并序

李德裕

此郡多蚍蜉所居臨流實繁其類或聚於衽席或入於盤盂終日厭苦而不知可禦之術因戲為此賦今稚子燁和之  
惟江潭之下國况幽居於澤畔何螻蟻之微物亦有徒而凌亂或泮散於經笥或冥緣於食案予乃戲而問之曰爾能居厚地而漏江河無乃處吾身而為大患蟻不能言辭以意宣其旨曰我稟形於造化亦一氣之所甄嘗濟齊師之乏亦聞媯德之糴

事文類聚後集 卷之四十九 三  
觀封穴而知雨。驗寸壤而得泉。出以時而不息。故學者得而稱焉。戴粒而遊。若巨鰲之冠神岳。繞磨而行。若日月之麗青天。若乃依垤綠壁。滔滔奔奔。其聚無聲。其行無迹。值晏溫而出遊。當祁寒而入隙。迅雷作而不駭。微雨灑而自適。生雖瑣細。亦有行藏。止若群羊之聚。進如旅鴈之翔。乘其便也。雖鱣鯨之可制。無其勢也。雖蛭蝻而不傷。今願悔過。戢于垣墻。豈同青蠅之點白。汗君子之衣裳。

律詩

禽虫一章

白居易

蟻王化飯為臣妾。螺母偷虫作子孫。彼此假名非本物。其間何怨復何恩。

觀蟻

楊庭秀

偶爾相逢試問途。不知何事數遷居。微軀所騁能多少。一獵歸來滿後車。一騎初來隻又雙。全軍突出陣成行。策勳急報千夫長。渡水還爭一葦航。

蠅

羣書要語 其類有蒼者聲雄壯。負金者聲清聒。其聲在翼。身青者能敗物。巨者頭如火。酉陽雜俎 匪雞則鳴。蒼蠅之聲。齊風 蒼蠅之飛。不過十步。自託騏驎之尾。乃騰千里之路。光武與隗囂書 或問蒼蠅紅紫。班固難莊 似朱而非朱也。楊子 青蠅嗜肉汁而忘溺死。眾人貪世利而陷罪禍。

青蚨穴紙出飛蠅坡名譽過耳如蒼蠅歐知登夏畦觀耘汗  
顏炙背棲蒼蠅山谷

古今事實

青蠅刺讒

青蠅大夫刺幽王也營營青蠅止於樊豈弟君子無信讒言營  
營青蠅止於棘讒人罔極交亂四國營營青蠅止於榛讒人罔  
極構我二人

暴屍驅蠅

楊章為杜喬李固薦為平原令後喬固被刑章行赴洛見喬固  
暴屍驅逐蠅虫東觀漢記

青蠅驗腦

章遵為揚州刺史行部聞道旁女子哭聲甚哀問之云夫遭難  
死遵救吏輿屍到令人守屍曰當有物自往吏白有蠅聚頭所  
遵令披視得鐵錐貫腦考問以淫殺夫益部耆舊傳

怒蠅棄筆見福急門

誤墨成蠅見畫門

青蠅弔客見吊慰門

青蠅報赦見赦門

食中有蠅見庖竈門

杖閣放蠅

庫狄伏連居室患蠅杖門者曰何故放入北史

食蔗蠅集

武儒衡時元稹倚宦官知制誥儒衡厭鄙之會食芥蠅集其上  
儒衡揮以扇曰適從何來遽集於此一坐皆失色

拂蠅觸睫

段成式讀書有蠅觸睫隱字偶拂殺一蠅翼似蝟冠似蜂

六帖

號凍蠅

王方慶體質鄙陋言辭魯鈍為鳳閣侍郎張元一謂之被凍蠅

朝野僉載

古今文集

雜著

罵青蠅文

張復之

火帝降炎臣興邈矣六合啟然如烝萬物長羸如騰如凌不可

謝其之道不可名其至能忽陰薄陽化生此青蠅觸類冉冉朋  
飛薨薨切羶而蠹方延預登當是之際無人不憎我疑奸人之  
竟佞人之魄埋鬱不散託蠅寄跡不然者何以變白為黑變黑  
為白所以恣其點染所以遂其讒慝奸佞之作欺君之德黑白  
之變為物之賊所謂欲益而彰順非而澤使潔者不得自明玄  
者不得自默連璧失珍兼金奪色致義士之感心幾撫髀而太  
息眾君子矯而議曰天運地施融融蚩蚩何者不有何生不宜  
信妍醜以自任亦清混乎無知蠅斯耿未胡足罵為殊不知天  
地不言假乎仁者持準操柱以上化下使惡不黷善真不類假  
廊唐堯之雍熙稱周王之風雅防邪之萌雖小不拾厚汚若成  
悔何及也于是連呼童奴疾致如意當案輟食對客攘臂指西



風而罵曰未斷爾祖終惡爾類營營乎青蠅止于藩

憎蒼蠅賦

歐陽永叔

蒼蠅蒼蠅吾嗟爾之爲生旣無蜂蠆之毒尾又無蚊蟲之利背  
幸不爲人之畏胡不爲人之喜爾形至耿爾欲易盈杯盂殘瀝  
砧几餘腥所希杪忽過則難勝苦何求而不足乃終日而營營  
逐氣尋香無處不到頃刻而集誰相告報其在物也雖微其爲  
害也至要若乃華棖廣厦珍簾方牀炎風之燠夏日而長神昏  
氣感流汗成漿委四肢而莫舉眊兩目其茫茫惟高枕之一覺  
冀煩敲之暫忘念於爾而何負乃於吾而見殃尋頭撲面入袖  
穿裳或集眉端或沁眼眶目欲瞑而或警臂或作手已揮而猶攘  
於此之時孔子何由見周公於髣髴莊生安得與蝴蝶而徜徉

此其爲害者一也又如峻宇高堂嘉賓上客沽酒市脯鋪筵設  
席聊娛一日之餘閑柰爾衆多之莫敵或集噐皿或屯几格或  
醉醇酎因之沒溺或投熱羹遂喪其魄諒雖死而不悔亦何戒  
夫貪得尤忌赤頭號爲景跡一有沾汚人皆不食柰何引類呼  
朋擡頭鼓翼聚散倏忽往來絡繹方其賓主獻酬衣冠儼飾使  
吾揮手頓足改容失色於此之時王衍何暇於清談賈誼堪爲  
之太息此其爲害者二也又如醯醢之品醬醢之制及時月而  
收藏謹餅罌之固濟乃衆力以攻鑽極百端之窺覷至於太臠  
肥牲嘉穀美味蓋藏稍露於罅隙守者或時而假寐纔少怠於  
防嚴已輒遺其種類莫不養息蕃滋淋漓敗壞使親朋卒至索  
爾以無歡減獲懷憂因之而得罪此其爲害者三也是皆大者

餘悉難名嗚呼止棘之詩垂之六經於此見詩人之博物比興之為精宜乎以爾刺讒人之亂誠可嫉而可憎

律詩

秋蠅

楊廷秀

秋蠅知我正哦詩拂拂綠眉復入髭欲打群飛還歇去風光乞與幾多時

詩話

詠蠅以刺

熙寧初外學置官師職簡地親多在宴席有學官喜評語同僚苦之詠蠅以刺曰衣服有時遭點染盤杯無處不追隨

詠窻上蠅

古靈見窻上蠅曰百年鑽故紙未見出頭時

# 蠅虎

唐書要語形似蜘蛛而色灰白善捕蠅一名蠅蝗說文

古今文集

古詩

蠅虎

陳無已

物微趣下世不數隨力捕生得稱虎匿形注目搖兩股卒然一擊勢莫禦十中失一八九取吻間流血腹如鼓却行奮臂吾其武明日淮南作端午

蚊 蟻蠓附

羣書要語秦謂之蚋楚謂之蚊說文丹鳥羞白鳥夏小正歌蚊

蚋為黍民古今注海上有虫巢蚊睫名曰焦須列子蚊啗啗

膚則通霄不寐矣莊子

詩句蚊蚋當家口草石是親情慮全半夜蚊雷起西風為解分

山谷

小虫似蚋喜亂飛爾雅一名醯雞莊子因雨而生見陽而

死列子

古今事考

開疇進蚊

齊桓公卧於柏寝謂仲父曰吾國富民殷無余憂矣一物失所寡人悒悒今白鳥營營是必饑耳因開翠紗之疇進之其蚊有知禮者不食公之肉而退其蚊有知足者噉子立公之肉而退其蚊有不知足者遂長嘘短吸而食之及其飽也腹腸為之潰破金樓子

使蚊負山

肩吾見楚狂接輿接輿曰日中何以語汝肩吾曰已出經式義定孰敢不聽而化接輿曰是欺德也其於治天下也猶涉海鑿河而使蚤負山也莊子

聚蚊成雷

漢中山靖王朝天子置酒聞樂而泣問其故靖王對曰臣聞衆

陶漂山聚蚊成雷是以文王拘於羑里孔子厄於陳蔡

覆射知蟲

東方朔傳郭舍人曰願聞朔一事朔得臣願榜一日朔窮臣當賜帛曰客從東方來歌謠且行不從門入踰我垣墻遊戲中庭上我殿堂擊之桓桓死者攘攘格鬪而死主人被創是何物也朔曰長喙細身晝亡夜存者肉惡煙為掌指所捫臣朔愚戇名之曰蟲舍人辭窮當復脫禪

道術禁蚊

後漢趙炳有道術章安令惡其惑眾收殺之人為立祠於永康至今蚊蚋不能入

夏不驅蚊

吳猛少有孝行夏日常手不驅蚊懼其去已而噬親也孝子傳

碧綃蚊幃

崔祖思啓陳政事曰宋武帝節儉張妃房唯碧綃幃海錄

未嘗有蚊

梁孫謙居身儉素牀施蓮蔭屏風夏日無幃帳而夜卧未嘗有蚊蚋

獨無蚊蚋

梁湘東王蕭澤作金樓子曰荆州高齋盛夏之月無白鳥余寢處發其中及移餘齋則聚蚊之聲如雷矣數丈之間如此之異吁可恠哉

蚊食露筋

舊傳有女子夜過高郵去郭二十里天陰蚊盛有耕夫田舍在焉其嫂止宿女曰吾寧處死不可失節遂以蚊死其筋見焉人為立祠曰露筋廟

蚊子喫喝

歐陽公云予作憎蠅賦蠅可憎矣尤不堪蚊子自遠喫喝來咬人也聞見錄

道猶醢雞係蟻蝶

孔子聞老聃之言出告顏回曰丘之於道也其猶醢雞歟莊子

古今文集

雜著

蚋子賦

唐王周

蚋子之下有蠓子蠓子之下有浮塵子丑者異乎皆狀小而黑世云巴蛇鱗介中微蟲所變耳三伏間晝飛夜息啣啄人肌膚動為瘡痛能飛不見其翼能嚙不見其口微眇之極雖縝密衣服亦可通透莊生焦螟之說近之也至微之蟲豈詩獨無蚋故作賦以廣之

蟲之至微名之曰蚋信乎蟣之別品為復蠱之餘裔君巢蚊之異類結搏牛之深契附諸替蒸產彼蕪穢張華之識何以辯其兩翼離婁之明何以見其長喙伺暑絺之漏露萃豐肌而睥睨默然而至暗然而噬人之至靈何闕爾之所衛人之至剛何反爾之所制狀斯咄咄顧於造物何不恣蛇虺之毒必當與之為避何不張虎豹之口不敢與之為忽豈其食人之膏血資已之

肥脂念膚體之何毀痛瘡痛之難沒吾將擷揪葉以爲焚俾爾之銷骨者也

古詩

蚊

孟郊

五月中夜息，饑蚊尚營營，但將膏血求，豈覺性命輕，顧已寧自愧，飲人以偷生，願爲天下憫，一使夜景清。

葛嶺

黃魯直

飛蚊遠床帷來傍青燈集微涼忽透隙如帶驚雷入念彼無懈者中夜何嗟及天下同安眠西風向秋急

平望蚊子

吳融

天下有蚊子候夕嗜人膚平望有蚊子白晝來相嚼不避風與

雨群飛出菰蒲擾擾蔽天黑雷然隨船艦利觜八人肉微形紅且濡振蓬亦不懼至死貪膏腴舟人敢停棹陸者亦疾趨南北百餘里畏之如虎驅噫嘻天地間萬物各有殊陽者陽爲任陰者陰爲徒蚊蚋是何物夜後喧墻隅如何正曦赫吞噬當通衢人筋爲爾斷人力爲爾枯衣襟穢且甚盤饌腥有餘豈是陽德衰不能使消除豈是有主者此鄉宜毒荼吾聞蛇能螫避之則無虞吾聞薑有毒見之可疾驅唯是此蚊子逢人皆病諸江南夏景好水木多蕭疎此中震澤路風月瀟清虛前後幾來往襟懷未曾舒朝旣蒙襲積夜仍陰遠蔭雖然好吟詠其奈難踟躕人生有不便天意當何如誰能假羽翼直上言洪爐

憎蚊

歐陽永叔

擾擾萬類殊可憎非一族甚哉蚊之微豈足污簡牘乾坤量廣  
大善惡皆含育荒茫三五前民物交相黷禹鼎象神姦蛟龍走  
潛伏周公驅猛獸人始居川陸邇來千百年天地得清肅大患  
已云除細微遺不錄蠅蚤虱蟻蜂蝎蛇蝮惟爾於其間有  
形纔一粟雖微無柰衆惟小難防毒嘗聞高郵間猛虎死凌辱  
哀哉露筋女萬古讎不復水鄉自宜爾可恠窮邊俗晨飡下帟  
幃盛暑泥駒犢我來守窮山地氣亢旱溽官閑懶所便惟睡宜  
便足難堪爾類多枕席厭緣撲薰簷苦煙燼燎壁疲照燭荒城  
繁草樹早氣飛炎熇羲和驅日車當午不轉轂清風得久涼如  
赦脫囚梏掃庭露清天坐月陰嘉木汝寧無它時忍此見迫促  
翻翻同昏黑稍稍出壁屋填窓來若翳聚隙多可掬叢身疑陷  
圍聒耳如遭哭猛攘欲張拳暗中甚飛鏃手足不自救其能營  
背腹盤食勞扇拂立寐僵僮僕端然窮百計還坐瞑雙目於吾  
誠不較在爾誠爲酷誰能推物理無乃乖人欲騶虞鳳凰麟千  
載不一矚思之不可見惡者無由逐

江上蚊子

韋楚老

搖俠翅亞紅腹江邊夜起如雷哭請問貪婪一點心腐肉填腹  
幾多足越女如花住江曲寒蛾夜夜凝雙綠任君撩亂錦窓中  
十幅輕綃圍夜玉

聚蚊謠

劉禹錫

沉沉夏日空堂開飛蚊伺暗聲如雷嘈然倏起初駭聽殷殷若  
自南山來喧騰鼓舞喜昏黑昧者不分聰者惑露花滴瀝月上

天利背迎人看不得我軀七尺爾如芒我孤爾衆能我傷天生  
有時不可過爲爾設幄潛匡牀清商一來秋日曉羞爾微形飼  
丹鳥

律詩

蚊

公監泰州西溪鹽場地多蚊蚋 范希文

飽去櫻桃重饑來柳絮輕但知來且暮休更問前程

丑蝱 蚤附

羣書要語蝱齧人蟲也蟣蝱子也 說文 湯沐具而蟣蝱相弔 淮南

子甲冑生蟣蝱 韓子 頭蝱着身皆稍變而白身蝱處頭皆漸化

而黑 抱朴子 似衣中蝱必須搯之 三國典梁書 擗牛之童不可

以破蝱 漢書

詩何地下蟣蝱臣 盧仝 蝱聞湯沸尚血食 山谷

蚤齧人跳蟲也 說文 得蚤者磨之齒牙爲害身也 曹植論 蚤蝱

群攻卧不獲安 抱朴子 以新室吞胡虜無異口中蚤蝱 漢書

古今事考

學射貫蝱

紀昌學射於飛衛使學視小如大紀昌以鼈懸蝱於牖南面而  
望之二年之後如車輪焉以觀餘物皆丘山也乃以燕角之弧  
弧蓬之籥射之貫蝱之心而懸不絕以告飛衛衛曰汝得之矣  
頭蝱必刺

馬援擊尋陽山賊上書曰除其竹木譬如嬰兒頭多蟣蝱而刺



事文類聚後集 卷之四十九 十一 俗言蠶木  
之蕩蕩然蟣蝨無所復依書奏上大悅因出小黃門頭有蝨者  
皆剝之 東觀漢記

捫蝨論事

王猛隱居華山懷佐世之念桓温入關猛被緼袍而詣之面談  
當世之事捫蝨而言旁若無人温察而異之

多蝨不堪

嵇康與山濤書危坐一時痺不得搖性復多蝨肥搔無已而常  
裹以章服揖拜上官三不堪也

擇蝨夷然

晉顧和王導辟為楊州從事月旦當朝未入停車門外周顛過  
之和方擇蝨夷然不動顛指和心曰此中何所有和徐應曰此

中最是難測地 語林

不忍蝨饑

齊江泌性仁義衣敝蝨多綿裹置壁上恐蝨饑死乃復置衣中  
後終身無蝨

對客覓蝨

北齊邢子才位中書監脫略簡易不修威儀有齋不居坐卧常  
在一小屋菓餌之屬置之梁上賓至下而共噉對客或解衣覓  
蝨且與劇談

親為擇蝨

馬子如為太行臺及文襄輔政見之哀其憔悴以股承其首親  
為擇蝨賜酒百瓶羊五百口粳米五百石子如曰無事尚被囚

幾死若受此豈有生路耶北史

衲衣養蠶

查道性淳古少寓狼山寺躬事薪水以給僧眾衲衣不洗濯以養蠶後仕至龍圖閣待制國老閑談

撲殺佛子

無畏三藏飲酒食肉言行麁易律師不悅常令宿于戶外律師中夜捫虱投床下無異即呼曰撲殺佛子律師異之鄭榮傳信記

殺蚤不誠以下係蚤

韓昭侯搔而痒亡一蚤求之甚急左右因取其蚤虱而殺之昭侯以此察左右不誠也韓子

探蚤不停

齊下士蔚居貧多病榮寢敗絮深刷不謹澣沐不時四體無乾加以臭穢故羣席蓬纓之間探探蚤蠹日不替手自作燕序

託蚤指斥

齊下彬為南康郡丞仕既不遂及著蚤蠹蝮虫蝦蟆等賦皆大有指斥

古今文集

雜著

大人先生傳

阮籍

其略曰世之所謂君子惟法是修惟禮是克手執圭璧足履繩墨行欲為目前檢言欲為無窮則少稱鄉黨長聞鄰國上欲圖三公下不失九州汝獨不見群虱之處禪中逃乎深縫匿乎壞

絮自以為吉宅也。行不敢離縫際，動不敢出禪褶。自以為得繩墨也。然炎丘火流，焦城熾都。群虱處於禪中，而不能出也。君子之處域內，何異夫虱之處禪中乎。此亦籍之骨懷本趣也。

虱賦

李商隱

亦氣而孕，亦卵而成。晨鷺露鶴，不知其生。汝職惟嚙，而不善嚙。回臭而多妬，香而絕。

後虱賦 并序

陸龜蒙

余讀玉溪生虱賦，有就顏避妬之歎。似未知虱作後賦以矯之。君子居貞，衣緇守白，髮華守黑，不為物遷。是有恒德，小人趨時，必變顏色，棄瘠溼腴，乃虱之賊。

古詩

和王樂道烘虱

王介甫

秋暑汗流如炙，輒敝衣蒸濕，塵土浣施之衆，蟲當此時擇肉，其於虎狼，餓咀嚼侵膚，未云已。爬搔刺骨，終無那時。時對客輒自捫，十百所除，纔幾箇皮毛，得氣強復活。爪甲流丹，直暫破，未能湯沐，取一空。且以火攻，令少挫踞，爐熾炭已不暇對，竈張衣，誠未過飄零。乍若蛾赴燈，驚擾端如蟻旋磨，欲歐百惡，死焦灼肯貸一凶。生棄播已，觀細黠無所容。未放老姦，終不墮然。臍郛塢患溢世，焚寶鹿臺，身易貨冢，中燎入化。秦屍池上，掀隨遷莽，坐彼皆勢極，就煙埃。况汝命輕，侔涕唾，逃藏壞絮，尚欲索埋。没沉灰，誰復課熏心得禍，爾莫悔爛額。收功吾可賀，猶殘衆蟻，恨未除。自許寧能久安卧。

和介甫烘蟲

司馬君實

天生萬物名品夥嗟爾為生至么麼依人自活反食人性喜伏  
藏便垢浣晨朝生子暮生孫不日蕃滋踰萬箇透疎綠隙巧百  
端通夕爬搔不能卧我歸彼出疲奔命備北驚南厭搜邏所禽  
至少所失多捨置薰燒無術柰加之炭上猶晏然相顧未知亡  
族禍大者洋洋迷所適奔來未停身已墮細者懦怯但深潛乾  
死縫中誰復課黑者抱髮可憂疑逃入縲頭默相賀腥煙焰起  
遠襲人袖擁鼻端時一唾初雖快意終自咎致爾織夷非爾過  
吾家篋笥本自貧况復為人苦慵惰休生鱗甲未能浴衣不離  
身成脆破朽繒壞絮為淵藪如粟如麻寢肥大虛腸不免須侵  
人肯學夷齊其死餓醯酸蚋聚理固然爾輩披攘我當坐但以

弩力自潔清群虱皆當遠遁播

書蟲 蠹魚書附

羣書要語 蝸蛄蠅水中蠹虫也 爾雅

蠅淫白魚也 衣書中蠹虫也 爾雅

獻桂蠹

文帝賜尉佗書衣物佗因使者獻桂蠹一器 漢書 桂蠹紫色香

卒有味噉之去陰痰之疾 大業拾遺錄

芸香辟蠹 見藏書門

雜著

雜著

雜著

雜著

十八

德壽堂梓

○ 蠹化

陸龜蒙

橘之蠹大如小指首負特角身感感然類蝻蟻而青翳葉仰啣  
 饑蠶之速不相上下人或棖觸之輒奮角而怒氣色桀驁一旦  
 視之凝然弗食弗動明日復往則蛻為蝴蝶矣力力拘拘其翅  
 未舒膽黑講倉分朱間黃腹填而楯墮綏纖且長久醉方悟羸  
 枝不揚又明日往則倚薄風露攀綠草樹聳空翅輕瞥然而去  
 或隱蕙隙或留篁端翩旋軒虛颺曳紛排其可愛也須臾犯螫  
 網而膠之引絲環纏幸若萃桔人雖甚憐不可解而縱矣噫秀  
 其外類有文也默其聲類有德也不明而遊類潔也無嗜而食  
 類廉也向使前不知為橘之蠹後不見觸螫之網人謂之鈞天  
 帝君而來今復遇矣天下大橘也各位大羽化也封略大意篁

也苟滅德忘公崇浮飾傲榮其外而枯其內害其本而窒其源  
 得不為大螫網而膠之乎觀吾之蠹化者可以惕之

律詩 係蠹書魚

詠壁魚

李遠

鱗細粉光鮮開書亂眼前透窓疑漏網落硯似流泉潛穴河淵  
 內吞鈎乙字邊莫言鬢鬣小食盡白蘋篇

新編古今事文類聚後集卷之四十九終

事文類聚後集

卷之四十九

十九

詠壁魚

新編古今事文類聚後集卷之五十九 德華堂刊

新編古今事文類聚後集卷之五十九

建安 祝穆 和父 編

金陵 唐富春 子和 刊

蟲豸部

蜘蛛

群書要語 蠶音土蜘蛛在地中草蜘蛛絡幕草間蠨蛸長脚

若俗呼為小疇子有在器下有以絲於籬落間緣壁捕蠅者廣志長脚

河內人謂之喜母著人衣當有親客至詩疏蠨蛸在戶東山獨

星懸於浮處遂設網於四隅晉成公綏賦

詩句 玉臺生網絲江淹蜘蛛網四屋張景陽蛛絲罨鬢長杜網

事文類聚後集 卷之五十九 德華堂刊

蟲番戶織選絲窠歸還成韓

古今事實

効蛛結網

湯出見羅者湯下車命解其三面而置其一面更教之祝曰昔蛛螿作網今人學結欲左者左欲右者右欲高者高欲下者下吾取其犯命者世紀

布網執豸

晉公子重耳奔齊與五臣游乎大澤之中蜘蛛布網曳繩執豸而食之公子重耳乃撫僕之手駐駟而觀之顧其臣咎犯曰此蟲也智之薄者矣猶役其智布其網曳其繩執豸而食之况乎人之有智而不能廓垂天之網布絡地之繩以供方丈之御是

像者

食牛

之

會不如蜘蛛之智孰可謂之人乎咎犯曰公子慎勿言也君終行之則有邦有嗣也符子

蜘蛛占喜

樊噲問陸賈自古帝王人君皆云受命於天謂有瑞應豈然乎賈曰有之夫目矚得酒食火花得錢財乾鵲噪而行人至蜘蛛集而百事喜小故猶徵大亦宜然故目矚則呪之鵲噪則餞之蜘蛛集則放之况天下大寶人君非天命何以得之西京雜記

號蜘蛛隱

楚國龔舍初隨楚王朝宿未央宮見蜘蛛焉有赤蜘蛛大如粟四面縈羅網有蟲觸之而死者退而不能得出焉舍乃歎曰吾生亦如是耳仕宦者人之網羅也豈可淹歲於是挂冠而退時

人笑之謂舍為蜘蛛之隱金樓子

蛛網必毀

王守一自稱終南山人布衣賣藥於洛陽市嘗携一拄杖每見蛛網必以杖毀裂盡淨而後已或問之曰天地之間飛走之屬捕逐搏擊固非一物均是為口腹以養性命獨蜘蛛結網張羅設機巧以害物吾是以惡之勝非錄

蜂螫蜘蛛

處士劉易隱居王屋山嘗於齋中見一大蜂冒于珠網蛛搏之為蜂所螫墜地俄傾蛛鼓腹欲裂徐行入草味嚙芋梗微破以瘡就嚙處磨之良久腹漸消輕躁如故自後人有為蜂螫者按芋梗傳之則愈筆談

古文集

雜著

喜徵論

李德裕

陸賈稱蟾子垂而百事喜不徵其故何也凡人將有喜兆必垂於冠冕余嘗思之蓋以人肖圓方之形稟五行之氣有生之最靈者也如景如火忽有歆然感氣發於圓首之上其榮盛也如陽氣發生烟煜涵照有變衰也如秋氣索然寂寞沉瘁雖不能目觀其鑿明者必可察之唐舉許負疑用此術所以望表而知窮達何以明之淑春愛景必有蟾子垂於簷楹之間室有明燭膏燼必垂於屏幃之際喜氣將盛故集於冠冕之上以此推之無所逃也



秋虫賦 并序

羅隱

秋虫蜘蛛也。致身羅網間，實腹亦羅網間。愚感其理，有得喪因以賦之。物之小兮，迎網而斃；物之大兮，兼網而逝。網也者，繩其小而不繩其大。吾不尔身之危兮，腹之餓兮，吁。

蜘蛛賦

張文潛

魚遊假淵，鳥棲求木，而我所宅，獨取諸腹。巢于墻屋，人不予取。朝蠅暮蚊，食人所惡，彼殘物所養而無益於世。雖名人兮，斯虫是愧。

古詩

詠蜘蛛

梅聖俞

日結一尺網，知吐幾尺絲。百虫為爾食，九腹尚苦飢。

蜘蛛諷

孟郊

萬類皆有性，各各禀天和。蚕身與汝身，汝身何太訛。蚕身不為已，汝身不為他。蚕絲為衣裳，汝絲為網羅。濟物幾無功，害物日已多。百虫雖切恨，其將奈爾何。

蜘蛛論

唐蘇拯

春蚕吐出絲，濟世功不絕。蜘蛛吐出絲，飛虫成聚血。蚕絲何專利，爾絲何專孽。映日張網羅，遮天亦可別。倘居要地，門害物可堪。說網成雖福，已網敗還禍。爾小人與君子，利害一如此。

蠶蛛行

張芸叟

誰謂爾蚕巧，謀身一何踈。斯民患寒冽，爾為裳與襦。斯民患裸，休爾使曳。且冀余事及土木，自庇一縷。無彼蛛，豈無絲結網。絲

庭除朝昏向群飛所得充膏腴反顧尔蚕笑容容乃良圖如尔  
為民患不自愛其軀屈原於國智晁錯於身愚石頭以佞寵望  
之以纒誅須知磊落人死耳不為蛛

律詩

絕句

來鵠

寂寞閑階草亂生簾涼風動若為情不知獨坐閒多少看得蜘蛛  
結網成

省中

王介甫

萬事悠悠心自知強顏於世轉參差移牀獨向秋風裏卧看蜘蛛  
結網絲

田中雜詠

范至能

靜看簷蛛結網低無端妨礙小虫飛蜻蜓倒挂蜂兒窠催喚山  
童為解圍

觀簷間蜘蛛

楊廷秀

蜘蛛作網抵愁疎密了還遭小雨余漏却飛垂渾細事無妨網  
得萬真珠

觀雨中蛛絲 五首

楊廷秀

雨打蛛絲不打蛛雨來蛛入畫簷隅網羅滿腹輸渠巧也只蠅  
蚊命屬渠 雨罷蜘蛛却出簷網絲小減再新添莫言辛苦無  
功業便有飛垂密處粘 空中仰面却看身寂似昆耶不動尊  
忽有一蚊來觸網手忙脚亂便星奔 走得團團織得窠群飛  
來往不逃他網羅外面遭多少枉了辛勤設網羅 網羅最密

是蛛絲却被秋蚊聖得知粘着便飛來不再蛛絲也解有踈時

戲題簷間蜘蛛

楊廷秀

屋角籬尖竹樹陰可憐用盡許機心凝身不動如無物頓網輕  
搯試有禽絲貫日華明五色戲隨風舞忽千尋看渠經緯來還  
去忘却催顏立不禁

詩話

詠蛛譏刺

翟嗣宗尉臨淮頗為監司所窘遂於臨淮館驛題蜘蛛詩云織  
絲來往疾如梭長愛騰空作網羅害物身心雖甚小謾天網紀  
亦無多林間宿鳥應嫌汝簾下飛蟲最懼他莫學螳螂捕蟬勇  
須知黃雀奈君何林子中時為發運使過而見之召而誚責且

戒無為浮薄

復齋謾錄

蛙

蟾蜍附

犀書要語一名蝦蟆亦曰蛤

說文

嵩山湖水東流其中多活即

師曰科斗也

山海經

一名活東

爾雅

一名田雞又曰水雞

見詩

話科斗蝦蟆子也形圓有尾聞雷震則尾脫脚生

崔豹古今注

百越人以蝦蟆為上味疥者皮最佳故越人云不可脫去此乃

錦襖子

尚書故實

蠲氏掌去鼃黽焚牡鞠以灰洒之則死

秋官

老蝦蟆化為鶉

淮南子注

指蝦蟆使舞皆應弦節

神仙傳

世言

蝦蟆蜈蚣蛇三物相值皆不動彼此畏食也

坡詩注

詩句

蛙鼃鳴無謂閣閣祗亂人

韓

田家推五行水旱卜蛙聲

事文類聚後集

卷之五十一

六

孝標 廢沼蛙蠲淫坡 半夜青蛙聖得知韓盆池 一夜青蛙鳴到

曉韓

蟾蜍三足蝦蟆也說文 銳頭鰭腹東方朔蟾蜍賦 稱其異則畫

地成川語其神則登天入月同上

古今事實

堦井蛙

公孫龍問於魏牟曰龍少學先生之道合同異離堅白自以為至達今聞莊子之言茫然異之敢問其方公子牟隱几太息仰天而笑曰子獨不聞夫堦井之龜乎謂東海鱉曰吾樂與吾跳梁乎井幹之上入伏乎缺甃之崖赴水則接腋持頤蹶泥則沒足滅跗還蚌蟹與科斗莫吾能若也且夫擅一壑之水而跨時

堦井之樂此亦至矣夫子奚不時來八觀乎東海之鱉左足未入而右膝已繫矣於是逡巡而却告之海曰夫千里之遠不足以舉其大千仞之高不足以極其深禹之時十年九潦而水弗為加益湯之時八年七旱而崖不為加損夫不為頃久推移不以多少進退者此亦東海之大樂也於是堦井之蛙聞之適適然驚規規然自失也且夫知不知是非之竟而猶欲觀於莊子之言是猶使蚤負山商炬馳河也必不勝任矣秋水篇

式怒蛙

越王屢伐吳欲人之輕死也出見怒蛙乃為之式從者曰至敬於此曰為其有氣故也韓非子

沉窳生蛙

趙襄子以尹鐸有寬政於晉陽其心必和乃守晉陽後晉師圍而灌之沉竈生鼃民無叛意

拾磚投鼃

燕太子丹自喜得荆軻永無秦憂日與軻之東宮臨池而觀軻拾磚投鼃太子令人奉金丸進之史記

問蛙喜怒

○艾子使於燕燕王曰吾小國也日為強秦所侵徵求無已吾國貧無以供之欲草兵一戰又力弱不足以拒敵如之何則可先生其為謀之艾子曰亦有分也王曰其有說乎艾子曰昔有龍王逢一蛙於海濱相問訊後蛙問龍王曰王之居處如何王曰珠宮貝闕羣飛璇題龍復問汝之居何若蛙曰綠苔碧草清泉

白石復問曰王之喜怒如何龍曰吾喜則時隆膏澤使五穀豐稔怒則先之以暴風繼之以飛電使千里之內寸草不留龍問蛙曰汝之喜怒何如曰吾之喜則清風明月一部鼓吹怒則先之以努眼次之以腹脹然至於漲過而休於是燕王有慙色

蝦蟆無尾

艾子浮於海夜泊島嶼中夜聞水下有人哭聲復若人言遂聽之其言曰昨日龍王有令應水族有尾者斬吾鼃也故懼誅而哭汝蝦蟆無尾何哭復聞有言曰吾今幸無尾便恐更理會科斗時事也

蛙蝦蟆闖

漢武帝元鼎五年秋蛙與蝦蟆闖是歲四月將軍眾十萬征南

越開九郡

長安食蛙

武帝欲籍阿城以南盤屋以東宜春以西為上林苑東方朔諫以謂此地土宜姜芋水多蛙魚貧者得以人給家足無飢寒之憂朔傳

井底蛙

公孫述稱帝於蜀隗囂使馬援往觀之援素與述同里閭相善以為既至當握手歡如平生而述盛陳陛衛以延援入欲授援以封侯賓客皆樂留援曉之曰公孫不吐哺走迎國士反脩飾邊幅如偶人形何足久稽天下士乎因辭歸謂囂曰子陽井底蛙耳而妄自尊大

鳴為官私

晉惠帝在華林園聞蝦蟆聲問左右曰此鳴者為官乎為私乎侍中賈胤對曰在官地為官在私地為私

能禁蛙鳴

梁沈僧照別名法即少事天師道士後為山陰令時武陸王純為會稽宴集池亭蛙鳴聒耳王曰殊廢絲竹之聽僧照呪厭便息日晚王欲其復鳴僧照曰王歡已闌令汝恣鳴即喧聒

兩部鼓吹

齊孔珪字德璋為都官尚書不樂門庭之內草萊不剪中有蛙鳴或曰欲為陳蕃乎珪曰我以此當兩部鼓吹何必効陳蕃王晏鳴鼓候之聞群蛙鳴曰此殊聒人耳珪曰我聽鼓吹殆不及

此晏慙

遇蝦蟆毒

丘傑年十四遭母喪以熟菜有味不嘗於口歲餘忽夢母曰汝  
嗽生菜遇蝦蟆毒靈牀前有三丸藥可取服之傑驚起果得甌  
中藥服之下科斗子數升南史

作賦遇刺

齊卞彬著蝦蟆賦云紆青拖紫名為蛤魚世謂比令僕也又云  
科斗唯唯群浮閭水唯朝繼夕聿役如鬼比令史諮事也

綠衣乞命

某朝皇帝尚食將供蝦蟆充御膳上忽夢綠衣人數百乞貨命  
後方悞其為蝦蟆因禁採捕或云蝦蟆能食蝗虫故禁採捕此

事不記何書當考

蟾蜍入月係蟾蜍  
見月門

蝦蟆蝕月見月蝕門

古今文集

雜著

鳴蛙賦芳序

張文潛

余寓山陽學舍夏大雨屋四隅成塘聚蛙以千計聲鳴不絕夜  
為不能寐客有獻余以殺蛙之術曰投余藥一丸蛙無類矣童  
子將用之余曰不可復為賦示之

夏雨初止積潦過尺有蛙百千更跳互出幸此新霽夜月清溢  
我勞其休歸偃於室于時蛙鳴若啼若訴若歌若歡若悲若喜

學文類集卷之五十一  
而語若怒而詬若噉而嘔若咽而嗽瘖者之呼吃者之鬪或急  
或緩或清或濁若羌絲野鼓雜亂無節方又似夫蠻歌獠語詭  
恠之迭作也不其困於泥潦失其處所而悲又若夫早暵既久  
得其所處而樂也爰有童子持燭來謁曰蛙群夜鳴君寢其聒  
考之周官洒灰驅蛤君其教之余得盡殺余語童子尔無是酷  
爾樂而歌而哀則哭哭則悲嗟樂有聲曲聚語群爭引吭而呼  
一目之間不寧湏臾蛙不汝嫌汝奚蛙誅萬物一府誰好孰惡  
尔欺自私已厚蛙薄參適彼已樂我自然弭尔怒心置燭而眠  
夜半張子援枕而吁顧謂童子記余言歟前言既請卒言說物  
各有時夫誰敢過尔觀夫春露初霽朝華始敷文羽清喙飛鳴  
自如若奏琴箏而和笙竽清耳悅心聽者爲娛及夫陽春既徂  
炎火將極惡毒蕃遶淫潦滯積蛙於此時生養蕃息跳梁號呼  
意氣橫逆子如之何時不可逆時乎時乎美惡皆然當其盛時  
誰得而榮及其霜雪既降木實草衰飛蠅聚蚊孽無所施於是  
蛙斂吻收足趺然土中一聲不出黨散巢披不可終日盛不可  
常與衰迭來子姑忍之奚以殺爲哉

怒蛙說

陳君舉

日有烏月有蛙蛙與烏相遇烏戲蛙曰若鸞肉耳躍之高不思  
尺焉能爲哉蛙曰吾已矣若無斬我烏曰若亦能怒耶蛙曰吾  
翹吾腹翳太陰之光呀吾頤啗其壤矐吾目列星不敢輝矣而  
不能怒若不吾信月于望吾怒以示若其望果無光他日蛙遇  
烏曰曩吾怒得無惕乎烏曰若焉能惕我哉吾振吾羽翳太陽



之先肆吾味咏其壤徐以三足蹴之天下不敢寧而居吾視若  
 之怒眇矣奚以若惕為若不吾信月于朔吾怒以視若其朔日  
 其無光晉人代鼓馳且走焉又他日鳥遇蛙曰吾怒也何如蛙  
 曰始吾謂極威矣而不知子之威震於我也日之馭曰羲和傍  
 聞之曰噫何謂威吾疾其驅六龍不敢稽其輶吾赫其燥雲不  
 敢雲雨不敢雨風不敢風八土之埏吾能赫其膚萬壑之陰吾  
 能充其毛百川之流吾能杜其液且彼與若敢言怒哉若不吾  
 信吾怒以示若於是果早嘆者半載几天地之間病之他日羲  
 和遇鳥曰吾怒也何如鳥赧然曰始吾謂極威矣而不知子之  
 震於我也飛廉豐隆屏翳者聞之相與造羲和誚焉曰若驚而  
 怒耶曰吾威示若吾三人焉噓其氣足以幕乾坤之倪噫吾味

足以赭崧華之峯嘯吾聲足以簸四海掀九州而覆之也時也  
 若鳥能威言未既豐隆噓焉屏翳噓焉飛廉嘯焉莫畫莫夜涉  
 山漫谷者亦半載嗚呼竊造化之權而私以怒競民物奚罪哉  
 古詩

蝦蟆

白居易

嘉魚薦宗廟靈龜貢邦家應龍能致雨潤我百穀芽蠢蠢水族  
 中無用者蝦蟆形穢肌肉腥出没于泥沙六月七月交時雨正  
 霽霽蝦蟆得其志快樂無以加地既蕃其生使之族類多天又  
 與其聲得以相喧譁豈惟西池上汗君清冷波可獨瑤瑟前亂  
 君鹿鳴歌常恐飛上天跳躍隨姮娥徃徃蝕明月遣君無奈何

答柳州食蝦蟆

韓愈

蝦蟆水中居水特變形貌強號爲蛙蛤於實無所校雖然兩股  
長其柰背瘠跳躑雖云高意不離潭淖鳴聲相呼和無理祇  
取鬧周公所不堪灑仄垂典教我棄愁海濱常願眠不覺巨堪  
朋類多沸耳作驚爆端能敗笙磬仍工亂學校雖蒙勾踐禮竟  
不聞報効大戰元鼎年孰強孰敗撓居然當鼎味豈不辱鈞罩  
余初不下喉近亦能稍稍常懼染蠻夷平生性不樂而君復何  
爲甘食比參豹獵較務同俗全身斯爲孝哀哉思慮深未見許  
廻權

學韓退之體賦蝦蟆一篇

洪駒父

吾廬逼沮洳蛙蛤宗生之委委見科斗閤閣已在茲夜聲一何  
喧達旦乃寢微月令紀螻蝻語默亦有時豈伊不平鳴沓沓竟  
何爲那復當鼓吹安能問官私吾聞豈窳下厥大數十圍蟾蜍  
窟望舒色勝金裊蹄癡騃反食月吞吐誰能知坎井我自足跳  
梁而持頤鬻笑色無愠鶉化理莫推芥體不自惜或以調鹽醢  
柳州味南京下筋耳若飴在昔薦宗廟乃與羔兔齊擅減幾被  
坐巨細不可遺莫以腥臊棄終將瑚璉期

藏之和予蝦蟆短調再作之因以策事 洪駒父

蝦蟆何爲者瘳焉益於背人言懷土蟲棄去俄復在昔有係青  
繒西陽志其恠嘗觀三物圖副以螭蛆帶相持莫先動含毒相  
屠膾端欲兄龜龍未肯弟孔翠俳語解人頤子陽妄尊大慎勿  
離窟穴旁午凡五輩東行犯日忌東縛非其罪倘有切玉刀其  
心脂鼎鼎平生不下筋實憚背脊芥何必食馬肝前脩有明戒

願君勿嘲諷微命其可貸

再和一首

洪駒父

動物類含血蝦蟆獨無之雙目但瞠也一腹亦瞠其龍變或託  
體魚服觀幽姿罕見三足蟾詎減六眸龜向來秦贖瑞背負輪  
困芝坐謾皆下吏膠車等兒嬉雖蒙黃金擲荆卿空尔為或以  
白玉琢形模妙工倂咄尔百醜質詎辱五鼎脂浪號土底鴨雄  
誇水中雞何足汗帝着但可充蛇饑作意一池鳴和我五字詩

初聞蛙

梅聖俞

朝開南籬梅暮聞北池蛙何時科斗生草根已吐芽只畏草葉  
長其不可隱蛇游子且勿行科斗成蝦蟆

蝦蟆

蘇子瞻

悍目知誰瞋瞠腹空自脹慎勿因蜈蚣饑蛇不汝放

律詩

池蛙

宋子京

越國車前矜勇甚子陽井底太驕生乘時不羨雲滇樂口作儀

同鼓吹聲

齊張狗兒將拜儀  
同口自作鼓吹聲

聞蛙

朱元晦

兩蛙盛怒闐春池群吠同聲徹曉帷等是一場狼籍去更無人  
與問公私

和聞蛙

楊廷秀

春來真底好此輩政縱橫身作泥中計聲從雨後增北人食未  
慣南食眼猶生灰洒知虛實於渠似可行

蚯蚓

群書要語

元引

蚯蚓即蜃蟪也

尔雅

蟪蚯蚓也

高談注

白頸蚯

蚯蚓是其老大者一名土龍一名蠃蟪

本草

一名曲蟪

古今注

孟

夏蚯蚓出冬至之日蚯蚓結

月令

夫蚯蚓上食槁壤下飲黃泉

孟子

古今事考

黃帝蟪瑞

黃帝時蟪大如虹

世紀

黃帝時見大蟪土氣勝故其色尚黃

呂

氏春秋

蚯蚓兆隋亡

陳後主時隋軍至江蚯蚓盡出森然如植樹陳氏水鄉蚯蚓土

重象陳氏自稱土德盡出明傾其窟穴以曲歸直是歲隋平陳

廣五行記

地多胸臆

唐以開州盛山郡地多胸臆虫

蚯蚓也

改為胸臆郡

古今文集

雜著

蚯蚓賦

東方虬

惟陰陽之播氣寔萬類以呈形有微虫之稟質應甲子而濕生  
兩欲垂而乃見暑既至而先鳴乍透迤而鱗屈或宛轉而蛇行  
內乏筋骨外無手足任性行止物擊便曲徒進退而皓首竟  
知其所欲東西詰屈南北黃緣上食塵塊下飲淵泉應軒轅土

事文類聚後集 卷之五十一  
德之王入蔡邕勸學之篇其賦其微其用至專墮汜塗以自保  
觸監滋而罔全豈造化之賦命信歸之於自然

雜記

歐陽永叔

蚓食土而飲泉其為生也簡而易足然仰其穴而鳴若號若呼  
若嘯若歌其亦有所求耶抑其求易足而自鳴其樂耶其生之  
陋而自悲其不幸耶將自喜其聲而鳴其類耶豈其時至氣作  
不自知其所以然而不能自止者耶何其聒然而不止耶吾於  
是乎有感

### 蜥蜴

蝟虎 守宮同

群書曼語 蝟蜥蜴守宮也 爾雅 一名蛇盤 詩疏 在壁曰

蝟蜥在草曰蜥蜴或稱蝟虎 說文 蝟蜥一曰守宮一曰龍子善

於樹上捕蟬食之其長細五色者名為蜥蜴其短大者名為蝟

蝟一曰蛇盤大者長三尺其色玄緝善魅人 月令記 大能鳴者

謂之蛤蚧 方言 哀今之人胡為虺蜴 詩正月

古今事考

### 蜥蜴求雨

甕盛蛇盤 並見祈雨門

覆射守宮 見覆射門

守宮飾女臂

取守宮牝牡各一藏之甕中陰乾百日以飾女臂則生文章與  
男子合陰陽輒滅去 淮南軍萬術 一說取蜥蜴以器養之食以

殊砂體盡赤擣萬杵以點女人肢體終身不滅若與合則滅  
故曰守宮 傳物志

**古今文集**

古詩

蝟虎

跋跋有足蛇脉脉無角龍為虎君勿笑食盡萬尾虫

蘇子瞻

蝟牛

天水牛附

群書要語蝟蝟蝟蝟

音移

爾雅

牛無殼者曰蝟蝟 說文

**蝟**

杜牧之

斷墻着雨蝟成字 歐

皂角木五六月多大黑甲虫俗呼為天水牛

遯齋閑覽

**古今事實**

蠻觸交戰

有國於蝟之左角曰蠻氏右角曰觸氏爭地而戰伏尸數萬遂  
比旬有五日而後反 莊子

蝟牛廬 見宅舍門

**古今文集**

古詩

蝟牛

蘇子瞻

腥涎不滿腹聊足以自濡升高不知休竟作粘壁枯

天水牛

蘇子瞻

兩角徒自長空飛不服箱為牛竟何事利吻穴枯桑

### 羣虫

**群書要語**有足謂之虫無足謂之豸爾雅仲春百虫感動 仲

秋百虫环戶月令又草虫趨又阜螽周南虫飛薨薨齊雞鳴

秋虫響於廊宇曹子建秋興賦夕草起寒螿之愁同上百虫吟

暮兮萬葉吟秋劉禹錫秋聲賦以虫鳴秋韓文

**詩句**竹虫音亂塔梁蕭子範柳老半書虫坡夜雨鳴寒蛩 露

草濕寒蛩並后山青虫相對吐青絲唐詩秋風浙瀝鳴清商秋

草未死啼寒螿朱文公

**詩句**赤弁丈人古今注

**詩句**蜻蜓立釣絲杜點水蜻蜓款款飛杜風蒲獵獵弄輕柔徐

立蜻蜓不自由參寮池面蜻蜓去復來唐詩無數蜻蜓齊上下杜

### 古今事實

### 古今文集

### 古詩

莎雞

張文潛

金風聲殘樹玉樹生秋涼  
嘒嘒草間虫感時振衣裳  
楚客萬里思夜吟怨藜床  
勞勞終夕語共此簷月光  
孤輪曳獨爾折官韻  
哀隄辛苦幽父兄無衣畏風霜

### 律詩

聞蛩

陳無

風庭竹已秋聲初聽空階蛩夜鳴流落天涯聊自得今霄  
心平生

秋蟲

蟬衣落日恰纔收蛩怨黃昏正未休催促世人頭總白不知替  
得二蟲愁

蜻蜒

韓渥

碧玉眼睛雲母翅輕於粉蝶瘦於蜂坐來近拂波光舞又是慙  
慙為蓼叢

五編古今事 心類聚後集卷之五十終



